



ԵՎՐՈՊԱԿԱՆ ՄԻՈՒԹՅՈՒՆԸ ՀԱՅԱՍՏԱՆԻ ՀԱՍՏԻ
EUROPEAN UNION FOR ARMENIA



Եվրոպական միությանը հանրապետությանը կանանց իրավապաշտպանության հարցառում



Ընդդեմ կանանց սկստմամբ բռնության կոալիցիա
Coalition to stop violence
against women

ԿՐԹՈՒԹՅՈՒՆ ԵՎ ԳԵՆԴԵՐԱԶԳԱՅՆՈՒԹՅՈՒՆ



Հետազոտության հեղինակ՝

Խանում Գևորգյան

Հետազոտությունը պատրաստվել է «Կանանց և աղջիկների համար բռնությունից զերծ կյանքի համապարփակ քաղաքականությանն ուղղված ենթադրամաշնորհային ծրագրի» շրջանակում:

«Կանանց և աղջիկների համար բռնությունից զերծ կյանքի համապարփակ քաղաքականությանն ուղղված ենթադրամաշնորհային ծրագիրն» իրականացվում է Ընդդեմ կանանց նկատմամբ բռնության կոալիցիայի կողմից [«ՀԱՎԱՍԱՐ - ԵՄ-ն հանուն կանանց իրավազորման Հայաստանում»](#) ծրագրի շրջանակում:

Ծրագիրն իրականացվում է ՕքսեՋեն հիմնադրամի, «Եվրոպական գործընկերություն հանուն ժողովրդավարության» ՀԿ-ի, «Նիդերլանդների հելսինկյան կոմիտե» ՀԿ-ի, «Կանանց աջակցման կենտրոն» ՀԿ-ի, «ՎԻՆՆԵԹ Գորիս» զարգացման հիմնադրամի կողմից, «Վիննեթ Շվեդիա» ՀԿ-ի հետ համագործակցությամբ: Ծրագիրը ֆինանսավորվում է Եվրոպական միության կողմից:

Այս հրապարակումը պատրաստվել է Եվրոպական միության ֆինանսական աջակցությամբ: Բովանդակության համար պատասխանատվություն է կրում Ընդդեմ կանանց նկատմամբ բռնության կոալիցիան, և պարտադիր չէ, որ այն արտահայտի Եվրոպական միության տեսակետները:

Ուսումնասիրությունից որևէ հատված օգտագործելու և մեջբերելու պարագայում համապատասխան հղում կատարելը պարտադիր է:

Բովանդակություն

Նախաբան	4
Մեթոդաբանական հիմունքներ	9
Թեմատիկ և բովանդակային հետազոտության մեթոդ.....	9
Ուսումնասիրության արդյունքներ և վերլուծություն.....	15
Ենթաթեմա 1. Հայաստանի տարրական և միջին դպրոցներում ոչ խտրական բովանդակության և դասավանդման պրակտիկայի կանոնակարգման պահանջները	15
Գենդերային չեզոք իրավական բառամթերք.....	17
Համամարդկային արժեքներ	18
Ներառականություն և անհատականություն	19
Վարք և վարվելակերպ	21
Իրավահավասարություն	22
Դասագրքեր. օրենքներ թղթի ^o վրա.....	25
Ենթաթեմա 2. Գենդերային զգայունության արտացոլումը հայաստանյան բուհերում՝ մանկավարժի մասնագիտության բակալավրիատի և մագիստրատուրայի բաժիններում:	29
Իրավահավասարություն	30
Բարեվարքություն	32
Համամարդկային արժեքներ	33
Ենթաթեմա 3. Կանանց (աղջիկների) նկատմամբ բռնության և ընտանեկան բռնության կանխարգելման և արձագանքման ողջ գործընթացում առնչվող մասնագետների աշխատանքային վերապատրաստման նյութերը և դրանց հիմքում ընկած նորմատիվ իրավական կարգավորումները	36
Բռնության կանխարգելում.....	38
Իրավահավասարություն	41
Բարեվարքություն և բարոյականություն	43
Ճարունակական կրթություն	45
Եզրակացություն.....	47
Սահմանափակումներ	53
Վերջաբան	55
Առաջարկություններ	56
Գրականության ցանկ	61
Հավելվածներ	0

Հավելված 1. Ուսումնասիրված օրենքներն՝ ըստ ենթաթեմաների.....	0
Հավելված 2. Ուսումնասիրության կողերն ու թեմաները.....	5
Հավելված 3. ՀՊՄՀ-ի կրթական ծրագրի բակալավրիատի և մագիստրատուրայի ուսումնական բաժնում գենդերազգայնության ձգտող կետեր.....	0
Հավելված 4. Ոստիկանության և առողջապահական համակարգի թեմատիկ վերապատրաստումներ 2023-2024.....	7
Հավելված 5. ՀՀ ԿԳՄՍ պատասխան-հրամանն ուղղված «Ընդդեմ կանանց նկատմամբ բռնության կոալիցիա» ՀԿ նախագահին	9
Հավելված 6՝ ՀՀ ՆԳՆ պատասխան-հրամանն ուղղված «Ընդդեմ կանանց նկատմամբ բռնության կոալիցիա» ՀԿ նախագահին	10
Հավելված 7՝ ՀՀ ՀՊՄՀ-ի պատասխան-հրամանն ուղղված «Ընդդեմ կանանց նկատմամբ բռնության կոալիցիա» ՀԿ նախագահին	11
Հավելված 8՝ ՀՀ ԱՆ պատասխան-հրամանն ուղղված «Ընդդեմ կանանց նկատմամբ բռնության կոալիցիա» ՀԿ նախագահին	12

Նախաբան

Գենդերազգայունության ապահովումը կրթական համակարգում ենթադրում է գենդերազգայուն քաղաքականությունների ներդրում կրթական բոլոր մակարդակներում՝ տարեկան պլանների, դասապլանների, դասագրքերի, վերապատրաստման ռեսուրսների և ընդհանուր դպրոցական մշակույթի փոփոխություն՝ նպատակ ունենալով փոխել արժեքներն ու սոցիալական նորմերը, որոնք փոխանցվում են կրթական համակարգի միջոցով¹։ Ուսումնասիրությունները ցույց են տալիս, որ օրենքները և դրանցում ներառված հավասարության սկզբունքները հաճախ մնում են «թղթի վրա» և չեն ներառվում կրթության չափորոշիչների, դասապլանների և դասագրքերի բովանդակության մեջ։ Օրինակ, կանանց կարծրատիպային ներկայացվածությունը դասագրքերում չնայած օրենքի հավասարության պահանջին։ 2013 թվականին իրականացված հետազոտության համաձայն, «խտրականության տեսանկյունից հայաստանյան դպրոցներում առավել խոցելի են աղջիկները», քանի որ ծնողավարությունը, աշակերտների դաստիարակությունը, ինչպես նաև հասարակական նորմերը արտացոլում են բազմաթիվ կարծրատիպեր, որոնք ազդում են ուսուցիչ-աշակերտ փոխհարաբերությունների և վերաբերմունքի վրա²։

Չնայած գենդերային հավասարությունը հիմնականում ներկայացվում է որպես սոցիալական արդարության խնդիր, այն նաև հիմնային ազդեցություն կարող է ունենալ երկրի տնտեսական զարգացման վրա³։ Կանանց ներգրավվածությունը սոցիալական, քաղաքական և տնտեսական կյանքում օգնում է երկրի տնտեսության զարգացմանը⁴։ Ժողովրդավարության բարձր ինդեքս ունեցող երկրներում, ինչպիսիք են Նորվեգիան, Ծվեդիան, Ֆինլանդիան, Կանադան, և

¹ Silova, I. (2016). Gender analysis of Armenian school curriculum and textbooks. The World Bank.

² Ծատուրյան, Ռ. (2013). *Գենդերային խնդիրները մանկավարժական (դասախոսների, ուսուցիչների և ապագա մանկավարժ ուսանողների) միջավայրում*: Բաց հասարակության հիմնադրամներ – Հայաստան։

³ Pervaiz, Z., Akram, S., Ahmad Jan, S., & Chaudhary, A. R. (2023). Is gender equality conducive to economic growth of developing countries? *Cogent Social Sciences*, 9(2).

<https://doi.org/10.1080/23311886.2023.2243713>

⁴ Ibid.

այլն⁵, գոյություն ունեն մի շարք կայուն և բարդ գնահատման մեթոդներ և համակարգեր, որոնք թույլ են տալիս հետևել կրթական համակարգում գենդերային անհավասարության դեպքերին: Ճատ հասարակություններ արդեն մշակել են քաղաքականություններ, որոնք նպատակ ունեն կրթությունը դարձնել ավելի գենդերարձագանքող՝ հատուկ ուշադրություն դարձնելով աղջիկների կամ տղաների առանձնահատուկ կարիքներին: ԵՄ անդամ պետություններից միայն Շվեդիան և Լատվիան են հասել որոշակի հաջողությունների գենդերային քաղաքականությունների ներդրման հարցում, ինչը պահանջել է երկար, թանկ և բարդ աշխատանք⁶: Մալթայի, Ավստրիայի, Շվեդիայի, Լիխտենշտեյնի և Նորվեգիայի կրթական համակարգերում գենդերային հավասարության մոտեցումը և իրականացման մեթոդները գրեթե համընկնում են⁷: Այս երկրներում գենդերային հավասարությունը չի դիտարկվում որպես առանձին առարկա կամ դասաժամ, այլ կիրառվում է «հորիզոնական և ուղղահայաց համարկման (integration) մոտեցումը»՝ ինչը հանգեցնում է առարկայական ծրագրերի, բովանդակության, մեթոդների գենդերազգայնությանը: Իհարկե տնտեսական աճն ու բարձր զարգացվածությունը հնարավոր չէ բացատրել բացառապես գենդերազգայնությամբ, սակայն, գենդերային հարաբերությունները կարևոր ազդակ են զարգացող երկրներում մարդկային կապիտալի, տնտեսության արտադրողականության, տեխնոլոգիական և ինստիտուցիոնալ զարգացումները բացատրելու համար⁸:

Հայաստանի Հանրապետությունում գենդերային հավասարությունը և խտրականության բացառումը կրթության ոլորտում համակարգվում են մի շարք միջազգային և տեղական իրավական կարգավորումներով, ինչպիսիք են՝

⁵ Economist Intelligence Unit (EIU). (2023). *Democracy Index 2023: Age of conflict*. Retrieved from https://pages.eiu.com/rs/753-RIQ-438/images/Democracy-Index-2023-Final-report.pdf?version=0&mkt_tok=NzUzLVJJUS00MzgAAAGVcBs16jJIK3xXKDNyECz60d4tiNqNqZGgmysK_JraRise2EnxtYg7OxYymLplSu93EakB_h_OwpJ1L5FYvVYJ9nve-CCHiP9UmZs6fOM-Mo-N1g

⁶ Silova, I. (2016). *Gender analysis of Armenian school curriculum and textbooks*. The World Bank. p. 15

⁷ Eurydice (2010), cited in Silova, I. (2016). *Gender analysis of Armenian school curriculum and textbooks*. The World Bank

⁸ Pervaiz, Z., Akram, S., Ahmad Jan, S., & Chaudhary, A. R. (2023). Is gender equality conducive to economic growth of developing countries? *Cogent Social Sciences*, 9(2). <https://doi.org/10.1080/23311886.2023.2243713>

- 1993 թվականի **«Կանանց նկատմամբ խտրականության բոլոր ձևերի վերացման»** (CEDAW) կոնվենցիայի ստորագրումը, որը պարտավորեցնում է մասնակից պետություններին ձեռնարկել քաղաքական և սոցիալական տարբեր քայլեր՝ երաշխավորելով գենդերային հավասարությունը և վերացնելով կանանց նկատմամբ խտրականությունը⁹:
- 1995 թվականի **Պեկինի հռչակագիրը և Գործողությունների ծրագիրը**, որը մասնակից պետություններին պարտավորեցնում է մշակել գենդերային հավասարությանն ուղղված ռազմավարություններ և քաղաքականություններ¹⁰:
- 2010 թվականի **Գենդերային քաղաքականության հայեցակարգի** ընդունումը¹¹:
- 2013 թվականի **«Կանանց և տղամարդկանց իրավունքների և հավասար հնարավորությունների ապահովման մասին»** ՀՀ օրենքի ընդունումը¹²:
- 2015 թվականին ընդունված **ՄԱԿ-ի 2030 թվականի Կայուն զարգացման օրակարգը**, որը բաղկացած է 17 Կայուն զարգացման նպատակներից (ԿՁՆ), որոնց նպատակը մարդկանց և երկրագնդի բարեկեցությունն ու խաղաղությունն են: ԿՁՆ 5-ը վերաբերում է անդամ երկրներում գենդերային հավասարությանը¹³:

⁹ Committee on the Elimination of Discrimination Against Women. (1993). *General recommendation No. 19: Violence against women*. United Nations. Retrieved from https://tbinternet.ohchr.org/_layouts/15/treatybodyexternal/TBSearch.aspx?Lang=en&TreatyID=3&DocTypeID=11

¹⁰ United Nations. (1995). *Beijing Declaration and Platform for Action: Fourth World Conference on Women*. United Nations. Retrieved from https://www.un.org/en/events/pastevents/pdfs/Beijing_Declaration_and_Platform_for_Action.pdf

¹¹ Government of the Republic of Armenia. (2011). *Gender policy concept paper of the Republic of Armenia*. Retrieved from https://www.gov.am/u_files/file/kananc-xorh/Gender-hayecakarg.pdf

¹² ՀՀ Ազգային ժողով. (2013). «Կանանց և տղամարդկանց իրավունքների և հավասար հնարավորությունների ապահովման մասին» օրենք. Վերցված է՝ <https://www.arlis.am/DocumentView.aspx?docID=83841>

¹³ UN General Assembly. (2015). *The 2030 Agenda for Sustainable Development*. United Nations. <https://sdgs.un.org/goals#history>

- 2017 թվականի ԵՄ-Հայաստան **«Համապարփակ և ընդլայնված գործընկերության համաձայնագրի»** (CEPA) ստորագրումը, համաձայն որի Հայաստանը պարտավորվում է ստեղծել հավասար հնարավորություններ և խուսափել խտրական վերաբերմունքից, ինչպես նաև բարձրացնել գենդերային հավասարությունը կանանց և տղամարդկանց միջև՝ բացառելով խտրական վերաբերմունքը սեռի, ռասայի, Էթնիկ պատկանելության, կրոնի կամ հավատքի,
- հաշմանդամության, տարիքի կամ գենդերային կողմնորոշման հիմքով¹⁴:
- 2018 թվականի Եվրոպայի խորհրդի **«Կանանց նկատմամբ բռնության և ընտանեկան բռնության կանխարգելման ու դրա դեմ պայքարի մասին կոնվենցիան»** (Ստամբուլյան կոնվենցիա), որը պարտավորեցնում է մշակել պատշաճ գործողություններ գենդերային բռնության դեմ: *Չնայած այն ստորագրվել է, սակայն դեռևս չի վավերացվել*¹⁵:

Անկախ միջազգային համաձայնագրերի ստորագրումից կամ վավերացումից, միայն պետության համապարփակ և հետևողական գործելակերպի շնորհիվ է հնարավոր ապահովել գենդերային հավասարություն¹⁶: Ցանկացած երկրում գենդերային հավասարության պահպանումն ու կայունությունը երաշխավորելու համար անհրաժեշտ է թիրախավորել կրթական համակարգից սկսած, քանի որ այստեղ են հարաբերվում հասարակության ամենաերիտասարդ անդամները: Չնայած քաղաքականության տեսանկյունից Հայաստանի գենդերային հավասարությունը կրթական համակարգի բոլոր ուղղություններում արտացոլելու ջանքերը բավականին մեծ են, կրթական համակարգի ստորին օղակներում դրական փոփոխությունը դեռևս շատ աննշան է¹⁷:

Այս գեկույցի գլխավոր նպատակը կրթական համակարգի

¹⁴ European Union, & Republic of Armenia. (2017). *Comprehensive and Enhanced Partnership Agreement between the European Union and the Republic of Armenia*. Retrieved from <https://eur-lex.europa.eu/legal-content/EN/TXT/?uri=CELEX%3A22018A0126%2801%29>

¹⁵ Council of Europe. (2018). *Council of Europe Convention on preventing and combating violence against women and domestic violence* (CETS No. 210). Retrieved from <https://rm.coe.int/168008482e>

¹⁶ Silova, I. (2016). *Gender analysis of Armenian school curriculum and textbooks*. The World Bank.

¹⁷ Ibid.

գենդերազգայունության մակարդակի և խտրականության հավանական դրսևորումների ուսումնասիրությունն է կրթության բոլոր աստիճաններում: Ուսումնասիրության համար առանձնահատուկ նշանակություն ունեն բոլոր մանկավարժների, բժշկական ոլորտի մասնագետների, սոցիալական աշխատողների, հոգեբանների, իրավապահ համակարգի աշխատողների մասնագիտական որակավորմանը միտված կրթական և վերապատրաստման ծրագրերի գենդերազգայունության գնահատումը, քանի որ այս ոլորտի մասնագետները անմիջական ազդեցություն ունեն կանանց նկատմամբ բռնության և ընտանեկան բռնության կանխարգելման և արձագանքման ողջ ընթացքում:

Ուսումնասիրության շրջանակներում դիտարկվել են ուսումնառության հետևյալ երեք աստիճանները՝

- Տարրական և միջին դպրոցը,
- ԲՈՒՅ-երը, հատկապես մանկավարժների, ոստիկանի, քննիչի և բուժաշխատողի որակավորում տրամադրող հաստատությունները,
- Շարունակական կրթությունը, մասնավորապես մասնագիտական վերապատրաստումները, որոնց վերահսկողությունը վերապահված է վերոնշյալ մասնագետների գործունեությունը համակարգող լիազորված մարմնին:

Ուսումնասիրության շրջանակում փորձ է կատարվել պատասխանել հետևյալ հարցերին՝

1. Հայաստանի դպրոցներում ոչ խտրական բովանդակության և դասավանդման պրակտիկայի կանոնակարգման պահանջները

Հարց 1.1՝ Որո՞նք են ՀՀ հանրակրթական համակարգում խտրականության բացառման և գենդերազգայունության կանոնակարգման պահանջներն իրավական ակտերում և օրենքներում:

Հարց 1.2՝ Որո՞նք են ՀՀ կրթական համակարգում խտրականության բացառման և գենդերազգայունության կանոնակարգման պահանջները դպրոցական չափելի բովանդակության մեջ:

2. Գենդերային զգայունության արտացոլումը հայաստանյան ԲՈՒՅ-

երում՝ մանկավարժի մասնագիտության բակալավրիատի և մագիստրատուրայի բաժիններում

Չափ 2.1՝ Ինչպե՞ս է գենդերազգայունությունը արտացոլվում ՀՀ ԲՈՒՀ-երում՝ ըստ համալսարանական կանոնադրությունների:

Չափ 2.2՝ Ինչպե՞ս է գենդերազգայունությունը արտացոլվում ՀՊՄՅ-ի մանկավարժի մասնագիտության բակալավրիատի և մագիստրատուրայի բաժիններում՝ ըստ առարկայական ծրագրերի:

3. Կանանց (աղջիկների) նկատմամբ բռնության և ընտանեկան բռնության կանխարգելման և արձագանքման ողջ գործընթացում առնչվող մասնագետների աշխատանքային վերապատրաստման նյութերը և դրանց հիմքում ընկած նորմատիվ իրավական կարգավորումները

Չափ 3.1՝ Որքանով են ՀՀ ՆԳՆ ակադեմիայի կրթական առարկայական ծրագրերը գենդերազգայուն:

Չափ 3.2՝ Ինչպե՞ս են կանոնակարգվում ոստիկանների, իրավապահ համակարգի աշխատողների և բժիշկների վերապատրաստումները:

Այս համապարփակ մոտեցումը հնարավորություն կտա խորապես հասկանալու, թե որոնք են օրենսդրական և չափելի բովանդակության՝ գրքեր, վերապատրաստումներ, և այլն բացերը:

Այս բացերը վերլուծելն անհրաժեշտ պայման է, բայց բավարար չէ, քանի որ գենդերային հավասարությունը միանգամյա քաղաքականությունների և համակարգերի ներդրում չէ միայն¹⁸, այլ ամենօրյա ջանքերի և շահագրգիռ բոլոր կողմերի շարունակական աշխատանք: Ուստի, պետք է կարևորվի այս հետազոտության հիման վրա հետագա աշխատանքների կազմակերպումը:

Մեթոդաբանական հիմունքներ

Թեմատիկ և բովանդակային հետազոտության մեթոդ

¹⁸ Silova, I. (2016). *Gender analysis of Armenian school curriculum and textbooks*. The World Bank.

Ուսումնասիրության համար ընտրվել է **թեմատիկ և բովանդակային վերլուծությունը** (հիբրիդ վերլուծություն)՝ որպես հետազոտության գլխավոր մեթոդ: Այս երկու մեթոդների միաձուլումը հնարավորություն է տալիս ուսումնասիրելու տվյալները և՛ որակական, և՛ քանակական տեսանկյունից¹⁹: **Բովանդակային վերլուծությունը** քանակական հետազոտության մեթոդ է, որը նախատեսված է տեքստերից և այլ իմաստային միավորներից կրկնվող և վավերական եզրակացություններ անել և հասկանալ դրանց օգտագործման համատեքստերը²⁰: Բովանդակային հետազոտությունն էմպիրիկ մեթոդ է, որը թույլ է տալիս հասկանալ մի շարք գործոնների ուղղակի և անուղղակի ազդեցությունները՝ ներառյալ թաքնված, տողատակային ազդակները, որոնք կարող են ազդել ընթերցողի վրա: Բովանդակային վերլուծությունը ուսումնասիրում է տվյալներ, տեքստեր (տպագիր և ոչ տպագիր), պատկերներ կամ ձայնագրություններ՝ փորձելով հասկանալ դրանց ներգործությունն իրար վրա և փոխանցվող ուղղակի կամ անուղղակի տեղեկությունները՝ հիմնվելով որակական ուսումնասիրության վրա: Բովանդակային հետազոտության դեպքում հետազոտողն ուսումնասիրում է «լեզվականորեն կառուցված սոցիալական իրականությունը», որն արտացոլված է ուսումնասիրվող տեքստերում²¹: Ջիմսվելով այս մեթոդի վրա, այս հետազոտությունը հիմնականում դիտարկել է օրենքներում, իրավական ակտերում, կրթական ծրագրերում և դասագրքերում առկա և հաճախակի կրկնվող բառերը, որոնք հետագայում ոչ միայն ուսումնասիրվել են անկախ, այլ նաև դարձել են **թեմատիկ վերլուծության** հիմք:

Թեմատիկ վերլուծությունը որակական հետազոտության մեթոդ է, որն օգտագործվում է տեքստում առկա իմաստային օրինաչափությունները և կրկնությունները հայտնաբերելու և մեկնաբանելու համար: Այս մեթոդի կիրառման արդյունքում տեքստի հիման վրա ձևավորվում են հիմնական

¹⁹ Neuendorf, K. A. (2019). *Content analysis and thematic analysis*. In P. Brough (Ed.), *Advanced research methods for applied psychology* (pp. 211–223). Routledge.

²⁰ Krippendorff, K. (2004). *Content analysis: An introduction to its methodology* (2nd ed.). Sage Publications.

²¹ Ibid.

թեմաները, որոնք հնարավորություն են տալիս առավել խորությամբ հասկանալ տվյալները: Թեմատիկ վերլուծության ընթացքում թեմաները կառուցվում և ներկայացվում են բանալի բառերի, կոդերի և թեմատիկ կառուցվածքների միջոցով: **Բանալի բառերը** այն բառերն են, որոնք հաճախ կրկնվում են տեքստում և տվյալներում և կարող են ունենալ կարևոր նշանակություն տվյալ համատեքստում²²: Բանալի բառերի կրկնության հաշվարկումը նաև պայմանավորված է այս հետազոտության նաև բովանդակային վերլուծություն լինելով: Բանալի բառերի կրկնության հաշվարկը պայմանավորված է նաև այս հետազոտության բովանդակային վերլուծության բնույթով: **Կոդերը** այն բառերն ու արտահայտություններն են, որոնք կառուցվում են բանալի բառերի հիման վրա և ուղղակի կամ անուղղակի կերպով բնութագրում են ուսումնասիրվող երևույթը²³: Իսկ արդեն վերլուծության **թեմաները** միանման իմաստ ներկայացնող կոդերի հիման վրա կառուցված գաղափարներն են, որոնք բացատրում, ապացուցում կամ հակադրում են վերլուծության գլխավոր հետազոտական հարցին կամ հարցերին²⁴:

Թեմատիկ վերլուծության դեպքում գոյություն ունի հստակ ուսումնասիրության գործընթաց, որը հետևում է որոշակի քայլերի հերթականությանը: Այս վերլուծությունը նույնպես հետևել է այդ գործընթացին: Քայլերի հաջորդականությունը հետևյալն է²⁵՝

1. Տեքստերի և տվյալների մանրակրկիտ ուսումնասիրություն, **բանալի բառերի առանձնացում**;
2. **Կոդերի ընտրություն**, որոնք կարևոր են հետազոտական հարցերին պատասխանելու համար;
3. Կոդերի և կոդախմբերի հիման վրա **թեմաների ձևավորում** և օրինաչափությունների առանձնացում;

²² Naeem, M., Ozuem, W., Howell, K., & Ranfagni, S. (2023). A step-by-step process of thematic analysis to develop a conceptual model in qualitative research. *International Journal of Qualitative Methods*, 22. <https://doi.org/10.1177/16094069231205789>


²³ Jnanathapaswi, S. G. (2020). *Learning for pacifism: An anthology of the why, what & how of peace education*. *International Journal of Exclusive Global Research*, 5(3).

²⁴ Ibid.

²⁵ Guest, G., MacQueen, K. M., & Namey, E. E. (2012). *Applied thematic analysis*. SAGE Publications.

4. **Թեմաների ստուգում**՝ արդյո՞ք դրանք համապատասխանում են ընդհանուր համատեքստին և կարող են օգնել պատասխանել հետազոտական հարցերին;
5. **Թեմաների հստակեցում**՝ յուրաքանչյուր թեմայի ուսումնասիրման սխեմայի կառուցում;
6. Ընդհանուր **ուսումնասիրություն** և **թեմատիկ վերլուծություն**:

Այս գործընթացը սխեմատիկ ներկայացված է **Պատկեր 1**-ում: Այս ուսումնասիրության կազմում ընդգրկված բոլոր երեք հետազոտությունները կատարվել են թեմատիկ վերլուծության վեց քայլանոց գործընթացի համաձայն, ինչպես նաև բովանդակային վերլուծության կոդերի հաճախականության հաշվառմամբ:



Պատկեր 1: Հետազոտության ընթացքը համաձայն մեթոդի կիրառման քայլերի հերթականության (մշակեց՝ Խ. Գևորգյան)

Հետազոտական նյութը, ներառյալ օրենքները, հրամանները և կրթական ռեսուրսները, ընտրվել են կրթական համակարգը կարգավորելու նրանց

առաջնային դերի հիման վրա՝ հասկանալու համար արդյոք դրանք հայելում են սոցիալական իրականության խտրականության դրսևորումները: Երկրորդ, հինգերորդ և յոթերորդ դասարանների դասապլանների և դասագրքերի²⁶ ընտրությունը պայմանավորված է դասագրքերի և առարկայական չափորոշիչների հաստատման հետ²⁷: Հետազոտության մեջ այլ դասարանների և դասագրքերի ներառումը կխանգարեր հետագա արդիականությանը, քանի որ ներկայումս Տավուշի մարզում փորձարկվող դասագրքերի հիման վրա մի շարք դասագրքեր կարող են փոփոխությունների ենթարկվել: Կրթական ծրագրերի և անհատական առարկայական ծրագրերի ընտրությունն էլ պայմանավորված է կրթական հաստատություններում դրանց՝ որպես կրթության կարգավորիչ գործառույթի հետ: Այդպիսով, ուսումնասիրվել են ՀՀ ներքին գործերի նախարարության (այսուհետ՝ ՆԳՆ) կրթահամալրի, ինչպես նաև Հայաստանի պետական մանկավարժական համալսարանի (այսուհետ՝ ՀՊՄՀ) բոլոր կրթական ծրագրերի և անհատական առարկայական ծրագրերը:

Առաջին ենթաթեմայի՝ «Հայաստանի դպրոցներում ոչ խտրական բովանդակության և դասավանդման պրակտիկայի կանոնակարգման պահանջները» շրջանակում հետազոտության կիզակետում եղել են «Մայրենի լեզու», «Հայոց լեզու» և «Հայ գրականություն» առարկաները՝ իրենց համապատասխան չափորոշիչներով, դասագրքերով և ուսումնական պլաններով:

Ըստ Հայաստանի պետական չափորոշիչի (այսուհետ՝ ՀՊՉ), տարրական և միջին դասարաններում, որտեղ աշակերտը տարեկան անցկացնում է ավելի քան 3590 ժամ (տարրական) և 5950 ժամ (միջին), ամենաբարձր տոկոսային հարաբերակցություն ունեցող առարկաներից են «Հայոց լեզու» և «Գրականություն» առարկաները: Այս առարկաները կազմում են տարրական

²⁶ Դասագրքերի ուսումնասիրության մեջ նաև դիտարկվել է **նշանագիտությունը**, քանի որ ուսումնասիրության ենթակա էր ոչ միայն տեքստային կողերը, օրինակ «կին» կամ «իրավահավասարություն» կողերը, այլ նաև այլ վիզուալ նշանագրերը, որոնք կարող են խտրական միտում ունենալ: Այդպիսի օրինակներ կարող են լինել, օրինակ, տարբեր գենդերների ներկայացուցիչների պատկերների առկայությունը կամ չառկայությունը դասագրքերում, այն իրավիճակը, որում այս պատկերներն են և դրանից բխող իմաստը:

²⁷ ՀՀ Կառավարություն. (2021). *Հրաման N 136-Ն. Հայաստանի պետական չափորոշիչի հաստատման կարգ*. Վերցված է՝ <https://www.arlis.am/DocumentView.aspx?docid=149788>

դպրոցի դասաժամերի 24-28%-ը, իսկ միջին դպրոցի՝ 13-16%-ը²⁸: Այդ իսկ պատճառով, այս առարկաների համապատասխան դասագրքերն են եղել այս ուսումնասիրության թիրախում:

Երկրորդ ենթաթեմայի՝ «Գենդերային զգայունության արտացոլումը հայաստանյան բուհերում՝ մանկավարժական մասնագիտության բակալավրիատի և մագիստրատուրայի բաժիններում» շրջանակում հետազոտության հիմնական թիրախն է եղել ԶՊՄ-ն, քանի որ այն միակ համալսարանն է, որը պատրաստում է մանկավարժներ բոլոր հանրակրթական առարկաների գծով: Հետազոտությունը ուսումնասիրել է ԶՊՄ-ի բոլոր առարկաների մանկավարժական կրթական ծրագրերը և ԶՊՄ կանոնադրությունը՝ հասկանալու համար, արդյոք համալսարանը ներառում է գենդերազգայուն կառավարման, այդ թվում՝ ուսուցման սկզբունքներ և/կամ նորմավորումներ: Բացի այդ, ուսումնասիրվել են նաև Երևանի պետական համալսարանի (այսուհետ՝ ԵՊՀ), Հերացու անվան պետական բժշկական համալսարանի (այսուհետ՝ ԲՊՀ) և «Հայբուսակ» համալսարանների կանոնադրությունները՝ ներկայացնելու համար կանոնակարգային ընդհանուր իրավիճակը:

Երրորդ և վերջին ենթաթեմայի՝ «Կանանց (աղջիկների) նկատմամբ բռնության և ընտանեկան բռնության կանխարգելման և արձագանքման ողջ գործընթացում ներգրավված մասնագետների աշխատանքային վերապատրաստման նյութերը և դրանց հիմքում ընկած նորմատիվ իրավական կարգավորումները» շրջանակում ուսումնասիրվել են ՆԳՆ կրթահամալիրի բոլոր կրթական ծրագրերը, ինչպես նաև համապատասխան բոլոր օրենքները, իրավական ակտերը և կարգավորումները: Համաձայն ՆԳՆ կրթահամալիրի «Ընդդեմ կանանց նկատմամբ բռնության կռալիցիա»³⁴ նախագահին ուղղված պատասխան հրամանի (տես Հավելված 6), ներկայումս ՀՀ ոստիկանությունը չունի քննչական ստորաբաժանումներ, ուստի ուսումնասիրվում է միայն ոստիկանության կրթահամալիրը՝ որպես առանձին կրթակարգ: Առողջապահական հանրային աշխատողի վերապատրաստման ուղին

²⁸ Ibid., Աղյուսակ 1

հասկանալու համար դիտարկվել են Առողջապահության նախարարության «Ակադեմիկոս Ա. Ավդալյանի անվան առողջապահության ազգային ինստիտուտ» ՓԲԸ-ի կողմից առաջարկվող վերապատրաստման և ատեստավորման դասընթացները:

Հավելված 2-ը մանրամասն ներկայացնում է, թե յուրաքանչյուր ենթաթեմայում քանի կողեր են առանձնացվել և այդ կողերից ինչ հստակ թեմաներ են առանձնացվել, որոնք համապատասխանում են Պատկեր 1-ի «Քայլ 3» և «Քայլ 4»-ին՝ կողավորում և թեմատիկ բաժանում: Հավելվածում ներկայացված բանալի բառերից բացի, ուսումնասիրված բոլոր նյութերում ուշադրություն է դարձվել օգտագործված իրավական և ուսումնական բառապաշարի չեզոքությանը: Բանալի բառ է հանդիսացել նաև «վերապատրաստում» բառը, քանի որ նպատակն էր ուսումնասիրել ոչ միայն ֆորմալ կրթական համակարգում առկա նյութերը, այլ նաև վերապատրաստման բովանդակությունը:

Ուսումնասիրության արդյունքներ և վերլուծություն

Ենթաթեմա 1. Հայաստանի տարրական և միջին դպրոցներում ոչ խտրական բովանդակության և դասավանդման պրակտիկայի կանոնակարգման պահանջները

«Կրթության մասին» ՀՀ օրենքը (ՀՕ-297) երաշխավորում է կրթության զարգացումը՝ որպես պետականության պահպանման կարևորագույն գործոն, որի հիմքում ազգային դպրոցն է: Նույն օրենքի վեցերորդ հոդվածը հստակ նշում է, որ

1. Հայաստանի Հանրապետությունը հռչակում և երաշխավորում է կրթության բնագավառի առաջանցիկ զարգացումը՝ որպես պետականության ամրապնդման կարևորագույն գործոն:

2. Կրթության բնագավառում պետական քաղաքականության հենքն ազգային դպրոցն է, որի գլխավոր նպատակը մասնագիտական պատշաճ պատրաստվածությունն ունեցող և համակողմանիորեն զարգացած, հայրենասիրության, պետականության և մարդասիրության ոգով դաստիարակված անձի ձևավորումն է:

Չողված 4. Կրթության բնագավառում պետական

կրթության իրավունքը տրվում է բոլորին՝ անկախ սեռից, ռասայից, ազգությունից և այլ գործոններից: Բացի այդ, «Կանանց և տղամարդկանց հավասար իրավունքների և հավասար հնարավորությունների ապահովման մասին» ՀՀ օրենքը արգելում է գենդերային խտրականության ուղղակի և անուղղակի դրսևորումները, ներառյալ «գենդերային կարծրատիպերի վերարտադրությունը զանգվածային լրատվության, կրթության և մշակույթի միջոցով» (Հոդված 6), իսկ նույն օրենքի 8-րդ հոդվածն առանձնացնում է պետական քաղաքականության այն ուղղությունները, որոնք կարևոր են գենդերային հավասարության ապահովման գործում: Այդ ուղղություններից առանձնահատուկ է պետության կողմից գործուն իրավական և կազմակերպական մեխանիզմների ստեղծումը, համապատասխան միջոցառումների իրականացումը, ինչպես նաև գենդերային անհավասարության և խտրականության դեմ ուղղված տեղեկատվության և քարոզչության միջոցով հասարակության պաշտպանությունը, գենդերազգայուն մշակույթի ձևավորումն ու պետական (և այլ) ծրագրերի ներդրումը²⁹: Այսպիսով, գենդերային հավասարությունը պետք է արտահայտված լինի ոչ միայն օրենքներում, այլև պետական այլ բովանդակություններում, ինչպիսիք են դասագրքերը, կրթական ծրագրերը և վերապատրաստումները, և կարգավորվի ՀՀ օրենսդրությամբ, իսկ բացթողումների դեպքում՝ միջազգային պայմանագրերի պահանջներով: Օրենքն ու միջազգային պայմանագրերը պետք է դառնան առօրեական քաղաքականություններ: Ուստի, հիմնավորված է այս վերլուծության ընթացքում կրթության քաղաքականության և քաղաքականությունը կարգավորող փաստաթղթերի, ինչպես նաև կրթական ծրագրերի և դասագրքերի համապատասխանության ստուգումը:

Ուսումնասիրված բոլոր օրենքներում բացակայում էր «գենդեր» հասկացության ուղղակի օգտագործումը, սակայն այն փոխարինված էր մի շարք անուղղակի արտահայտություններով, որոնք ընթերցողին պարզ են դարձնում տերմինաբանության ներգրավման նպատակը: Խտրականության բացառումը

²⁹ ՀՕ-57-Ն. (2023). ՀՀ Օրենքը կանանց և տղամարդկանց հավասար իրավունքների և հավասար հնարավորությունների ապահովման մասին. Վերցված է՝ <https://www.arlis.am/DocumentView.aspx?DocID=83841>

ներկայացված է գենդերային չեզոք բառապաշարով, համամարդկային արժեքների ուղղակի և պարբերական մատնանշմամբ, ներառականության և անհատականության շեշտադրմամբ, ինչպես նաև իրավահավասարության և ազատությունների հստակեցմամբ:

Գենդերային չեզոք իրավական բառամթերք

Ուսումնասիրված բոլոր իրավական ուժ ունեցող նյութերը ներկայացված են գենդերային չեզոք բառապաշարով: Ըստ Եվրոպական գենդերային հավասարության ինստիտուտի (EIGE), գենդերային չեզոք բառապաշարը խոսույթում ընդգրկում է տղամարդկանց, կանանց կամ այլ գենդերային ինքնություն ունեցող անձանց՝ առանց դերաբաշխման (n.d.): Օրենքները հիմնականում հստակեցնում են անհատների հավասարությունը, նրանց փոխհարաբերություններն աշխարհի և այլ մարդկանց հետ, ինչպես նաև մարդու և քաղաքացու դերը պետության զարգացման գործում: Օրինակներում և փոխհարաբերություններում նույնպես չի առանձնացվում որևէ գենդերի իրավական կամ մտավոր գերակայությունը մյուսի նկատմամբ: Բառապաշարը բոլոր օրենքներում մնում է նույնը՝ օգտագործելով ընդհանրական բանալի բառեր, օրինակ՝ «անհատ», «անձ», «սովորող», «քաղաքացի», «մարդ» և «աշակերտ»³⁰: Գենդերազգայուն կամ գենդերային չեզոք բառապաշար է օգտագործվում նաև պետական կրթական ծրագրերի վերջարդյունքներում: Օրինակ, N44 հրամանի 10-12-րդ դասարանի «Չայ գրականություն» առարկայի վերջնարդյունքներում օգտագործվում է «գրող-քաղաքացի» եզրույթը:

Գենդերազգայունության պահպանումն օրենքներում, իրավական ակտերում և կրթական ծրագրերում առաջին քայլն է, սակայն, ի հակադրություն, 7-րդ դասարանի «Չայ գրականություն» առարկայի դասագրքում ներառված են միայն երկու կին հեղինակ՝ Չապել Եսայան և Սիլվա Կապուտիկյան: Ըստ

³⁰ Օրինակ, և՛ N20 որոշման, և՛ N65 հրամանի մեջ աշակերտի ուսումնական դաստիարակության մեջ կարևորվում է «անհատների» և աշխարհի միջև հարաբերությունների ձևավորումը:

«Հայաստանի Հանրապետությունում գեներային քաղաքականության իրականացման 2024-2028 թվականների ռազմավարությունը և միջոցառումների ծրագիրը հաստատելու մասին» ՀՀ կառավարության որոշման նախագծի (2024), երկար տարիներ միայն Սիլվա Կապուտիկյանին՝ որպես կին գրող, ներառելուց հետո Չապել Եսայանի ներառումը համարվում է ձեռքբերում և ներկայացվում է որպես իրավիճակի բարելավման դրական գնահատական:

Համամարդկային արժեքներ

Հետազոտության այս ենթաթեմայի կարևորագույն կողերից և թեմաներից էին կրթական համակարգի և հարակից ուսումնամեթոդական ծրագրերի «համամարդկայնությունը» և «մարդասիրությունը»: Այս բառերը ուսումնասիրված նյութերում կրկնվել են մոտավորապես հարյուր անգամ՝ տարբեր հոլովներով և գործածություններով: Ըստ ՄԱԿ-ի 1948 թվականի Մարդու իրավունքների գերագույն հանձնակատարի գրասենյակի և Մարդու իրավունքների խարտիայի որոշման, համամարդկային իրավունքներն են՝ ազատությունը, արդարությունը, վեճերի և կոնֆլիկտների խաղաղ լուծումը, սոցիալական առաջընթացը, բարելավված կենսամակարդակը, հավասարությունը, հանդուրժողականությունը և արժանապատվությունը:

Այն համամարդկային արժեքները, որոնք ուսումնասիրված նյութերը խրախուսում և երաշխավորում են կրթական համակարգում, ներառում են հանդուրժողականությունը՝ ընկերների, ընտանիքի և առանձնահատուկ կարիքներ ունեցող անձանց նկատմամբ³¹, ժողովրդավարությունը³²,

³¹ ՀՀ ԿԳՄՍՆ. (2023). Հրաման N 44-Ն. *Հանրակրթական ուսումնական հաստատություններում «Մայրենի» 1–6-րդ, «Հայոց լեզու» 7–12-րդ, «Գրականություն» 7–9-րդ և «Հայ գրականություն» 10–12-րդ դասարանների առարկայական չափորոշիչը հաստատելու մասին*; ՀՀ ԿԳՄՍՆ. (2023). Հրաման N 80-Ն. *Հանրակրթական ուսումնական հաստատությունների 3-րդ և 6-րդ դասարանների «Մայրենի», 8-րդ և 11-րդ դասարանների «Հայոց լեզու», 8-րդ դասարանի «Գրականություն», 11-րդ դասարանի «Հայ գրականություն» առարկաների ծրագրերը հաստատելու մասին*. Վերցված է՝ <https://www.arlis.am/DocumentView.aspx?docid=179947>

³² ՀՕ-297. (1999). «ՀՀ Կրթության մասին» օրենք. Վերցված է՝ <https://www.arlis.am/DocumentView.aspx?docid=155043>; ՀՀ Կառավարություն. (2021). Հրաման N 136-Ն. *Հայաստանի պետական չափորոշիչի հաստատման կարգ*. Վերցված է՝ <https://www.arlis.am/DocumentView.aspx?docid=149788>

ապրումակցումը, ինքնասիրությունն ու ինքնագնահատումը³³, ինչպես նաև համամարդկային և ազգային արժեքների ներդաշնակ համադրումը³⁴: Բացի այդ, ՀՊԶ-ն³⁵ նաև նշում է կայուն զարգացումը՝ որպես հասարակության լիարժեք ձևավորման կարևորագույն նախապայման՝ ներառյալ ԿԶԳ 5-ը՝ գենդերային հավասարություն:

ՀՊԶ-ն, մինչ այդ օրենքներում և իրավական ակտերում նշված «համամարդկային արժեքները» բերում է կրթական նոր հարթություն՝ պարզ ներկայացնելով, թե ինչպիսի դաստիարակչական և վերաբերմունքային կրթության մասին է խոսքը: ՀՊԶ-ն նաև նշում է, որ կրթական համակարգը պետք է զարգացնի ինքնաճանաչողական և սոցիալական, ինչպես նաև ժողովրդավարական և քաղաքացիական կարողունակություն³⁶: Ըստ «Մայրենի լեզվի» վերջնարդյունքների, «մարդակենտրոնությունն» ու «համամարդկային արժեքները» երկրորդ, հինգերորդ և յոթերորդ դասարաններում արտահայտվում են նախորդ դասարանների արժեքների՝ ինքն իրեն և շրջապատին սիրելու և հարգանքով վերաբերվելու հիման վրա: Հինգերորդ դասարանի «Մայրենի լեզվի» վերջնարդյունքներում այն արդեն արտահայտված է «հանդուրժողականությամբ» և բոլորի հանդեպ հոգատարության ցուցաբերմամբ, որը նաև ներկայացվում է արդեն ավելի բարդ փոխհարաբերություններում սոցիալականացմամբ: Ի հավելում, համամարդկային արժեքները նաև ընդգրկված են ՀՀ կրթության մինչև 2030 թվականի զարգացման պետական ծրագրում, որտեղ դրանք ներկայացված են որոշումների կայացման գործընթացում մարդակենտրոնության և **«ոչ ոք չպետք է անտեսվի»** (leaving no one behind) գաղափարախոսությամբ:

Ներառականություն և անհատականություն

Ներառականությունը և անհատականությունների գնահատումը հայկական

³³ ՀՊ-62. (2005). «Բարձրագույն և հետբուհական կրթության մասին» օրենք. Վերցված է՝ <https://www.arlis.am/documentview.aspx?docid=25820>

³⁴ ՀՀ ԿԳՄՄՆ. (2004). Հրաման N20. Հանրակրթության պետական կրթակարգի մասին. Վերցված է՝ <https://www.irtek.am/views/act.aspx?aid=25829>

³⁵ ՀՀ Կառավարություն. (2021). Հրաման N 136-Ն. Հայաստանի պետական չափորոշիչի հաստատման կարգ. Վերցված է՝ <https://www.arlis.am/DocumentView.aspx?docid=149788>

³⁶ Ibid.

կրթական համակարգում ավելի շատ վերաբերում են հաշմանդամություն ունեցող անձանց, քան տարբեր գենդերների հավասարությանը: Պատճառներից մեկը 2005 թվականին ընդունված, սակայն 2015-ին ուժը կորցրած ՀՕ-136-Ն՝ «*Կրթության առանձնահատուկ պայմանների կարիք ունեցող անձանց կրթության մասին*» ՀՀ օրենքն է, ըստ որի ներառական կրթությունը նշանակում է «*կրթության առանձնահատուկ պայմանների կարիք ունեցող անձանց համատեղ ուսուցումը հանրակրթական և մասնագիտական ուսումնական հաստատություններում՝ նման պայմանների կարիք չունեցող անձանց հետ՝ ապահովելով հատուկ պայմաններ*»³⁷: Ըստ նույն օրենքի, ներառականությունն, 00, ընդգրկում է միայն մտավոր կամ ֆիզիկական առանձնահատուկ պայմաններ ունեցող երեխաներին և աշակերտներին, մինչդեռ գենդերային հավասարությունը ներառականության մաս չէ: «*Կրթության մասին*» ՀՀ օրենքում ներառականության և մասնակցայնության մասին նշվում է միայն առաջին գլխի վեցերորդ հոդվածի առաջին կետում՝ ամրագրելով կրթության իրավունքի հասանելիությունը բոլորին՝ անկախ առանձնահատկություններից և անհատականություններից³⁸: Ներառականության դրսևորումները, ինչպիսիք են կրթության մատչելիությունը, ներառական հանրակրթական քաղաքականության կառուցումը³⁹, անհատականությունն ու յուրօրինակությունը⁴⁰, կրթության մատչելիությունը⁴¹, ինչպես նաև անհատի ֆիզիկական, հոգեբանական և մտավոր կարողությունների գնահատումը⁴², լայնորեն ներկայացված են ուսումնասիրված տարբեր

³⁷ ՀՕ-441-Ն. (2022). «*ՀՀ կրթության մինչև 2030 թվականի զարգացման պետական ծրագիրը*» հաստատելու մասին. Վերցված է՝ <https://www.irtek.am/views/act.aspx?aid=156043>

³⁸ ՀՕ-297. (1999). «*ՀՀ կրթության մասին*» օրենք. Վերցված է՝ <https://www.arlis.am/DocumentView.aspx?docid=155043>

³⁹ ՀՀ Կառավարություն. (2021). Հրաման N 136-Ն. *Հայաստանի պետական չափորոշիչի հաստատման կարգ*. Վերցված է՝ <https://www.arlis.am/DocumentView.aspx?docid=149788>

⁴⁰ ՀՀ Կառավարություն. (2021). Հրաման N 136-Ն. *Հայաստանի պետական չափորոշիչի հաստատման կարգ*. Վերցված է՝ <https://www.arlis.am/DocumentView.aspx?docid=149788>; ՀՀ ԿԳՄՍՆ. (2023). Հրաման N 12-Ն. *ՀՀ ԿԳՄՍ նախարարի 2022 թվականի նոյեմբերի 24-ի N 65-Ն հրամանում փոփոխություն կատարելու մասին*. Վերցված է՝ <https://www.arlis.am/DocumentView.aspx?docid=175582>

⁴¹ ՀՕ-164-Ն. (2005). «*Նախնական մասնագիտական և միջին մասնագիտական կրթության մասին*» օրենք. Վերցված է՝ <https://www.arlis.am/documentview.aspx?docID=68301>

⁴² ՀՀ Կառավարություն. (2021). Հրաման N 136-Ն. *Հայաստանի պետական չափորոշիչի հաստատման կարգ*. Վերցված է՝ <https://www.arlis.am/DocumentView.aspx?docid=149788>

նյութերում:

Հատկանշական է, որ ՀՀ կրթության մինչև 2030 թվականի զարգացման պետական ծրագրում ներառականությունն արդեն նկարագրվում է ավելի մանրամասն՝ ֆիզիկական և մտավոր սահմաններից դուրս՝ հաշվի առնելով այլ գործոններ, որոնք կարող են խանգարել կրթության հասանելիությանը: Այս ծրագիրն ավելի միջսեկցիոնալ է և ներառում է հարցեր, ինչպիսիք են կրթության աշխարհագրական մատչելիությունը, դպրոց հաճախելու խնդիրները, որոնք երբեմն կապված են էթնիկ փոքրամասնությունների, գենդերային անհավասարության, աղքատության, մանկական աշխատանքի և հաշմանդամություն ունեցող անձանց նկատմամբ առկա կարծրատիպերի հետ:

Վարք և վարվելակերպ

Ուսումնասիրված օրենքներում երեխաների և աշակերտների վարքը կարգավորող հոդվածներն ու կետերը թերի են ներկայացված և կարող են հեշտությամբ դառնալ գենդերային անհավասարության և խտրականության աղբյուր:

ՀՊԶ-ն, ինչպես նաև մի շարք հարակից օրենքներ և իրավական ակտեր երեխայի վարքագծի և դաստիարակության հարցերը համարում են կրթության պատասխանատվություն՝ առանց հստակեցնելու, թե ինչպիսին պետք է լինի արդի քաղաքացին կամ աշակերտը՝ ըստ չափորոշիչների: Չի նշվում նաև, թե ում օրինակով պետք է ձևավորվեն վարքագծային փոփոխություններ նոր սերունդների մեջ: ՀՊԶ-ն ընդգծում է, որ բարձրագույն և հետբուհական ուսումնական հաստատությունների աշխատողները, բացի մասնագիտական որակների ձևավորումից, պետք է նպաստեն նաև պատշաճ վարքի, քաղաքացիական դիրքորոշման և հայրենասիրության ձևավորմանը: Նրանք պետք է դաստիարակեն կրթական գործընթացի միջոցով՝ հետևելով համակեցության կանոններին և նորմերին, ցուցաբերեն հանրօգուտ վարքագիծ և հետևեն կրթության արժեքային բաղադրիչին⁴³:

⁴³ ՀՀ Կառավարություն. (2021). Հրաման N 136-Ն. *Հայաստանի պետական չափորոշիչի*

Միակ բացառությունը ՀԴԶ հինգերորդ գլխի 21-րդ կետն է, որտեղ նշվում է. *«ճանաչի և պահպանի հասարակական վարքի՝ իրեն առնչվող կանոններն ու իրավունքները, այդ թվում՝ կանանց և տղամարդկանց հավասար իրավունքների և հնարավորությունների մասով, հարգի ուրիշ մարդկանց, ընկալի յուրաքանչյուր մարդու առանձնահատուկ և արժեքավոր լինելը»*: Սակայն այս միակ տողը, որը բնութագրում է «հասարակական վարք» եզրույթը, շատ ուսուցիչներին հնարավորություն է տալիս իրենց պատկերացումների հիման վրա ձևավորել հասարակական վարքը աշակերտների մոտ: Սա, անկասկած, կարող է պարունակել խտրականության նշույլներ, եթե ոչ ամբողջական խտրականություն:

Իրավահավասարություն

Ուսումնասիրված օրենքներում, որոշումներում և հրամաններում գենդերային հավասարությունը հիմնականում արտացոլվում է երկու ուղղությամբ՝ իրավունքների հավասարությունն առանց բացառությունների և յուրաքանչյուրի դերի կարևորությունը տնտեսության և մարդկային կապիտալի զարգացման մեջ: Իրավունքների հավասարությունը, ինչպես նաև դրանց հարգումն ու պաշտպանությունը հստակորեն նշված են մի քանի իրավական փաստաթղթերում: Օրինակ, առարկայական դասընթացների չափորոշիչների հաստատման հրամանում հավասարությունը ներկայացված է *«Հարգի այլոց իրավունքներն ու դիրքորոշումը»* կետով, որը 7-9-րդ դասարանի հայոց լեզվի առարկայի ակնկալվող վերջնարդյունք է⁴⁴: Կանանց և տղամարդկանց իրավունքների հավասարությունը հստակեցվում է ՀԴԶ-ում, որտեղ աշակերտից ակնկալվում է հասկանալ և հիմնավորել հասարակության մեջ կանանց և տղամարդկանց հավասարության ու հավասար հնարավորությունների ընձեռնման նշանակությունը:

հաստատման կարգ. Հոդված 19, կետ 3; Գլուխ 2, կետ 6; Գլուխ 4, կետ 10.22; Գլուխ 6, կետ 13.4. Վերցված է՝ <https://www.arlis.am/DocumentView.aspx?docid=149788>

⁴⁴ ՀՀ ԿԳՄՍՆ. (2023). Հրաման N 44-Ն. *Հանրակրթական ուսումնական հաստատություններում «Մայրենի» 1–6-րդ, «Հայոց լեզու» 7–12-րդ, «Գրականություն» 7–9-րդ և «Հայ գրականություն» 10–12-րդ դասարանների առարկայական չափորոշիչը հաստատելու մասին*.

Մինևույն ժամանակ, «Կրթության մասին» ՀՀ օրենքը սահմանում է իրավահավասարությունը որպես կրթության ոլորտում օրենսդրության խնդիր՝ «իրավաբանական և ֆիզիկական անձանց իրավունքների, պարտականությունների, պատասխանատվության սահմանումը և փոփոխարարելիությունների իրավական կարգավորումը»⁴⁵: «Նախնական մասնագիտական և միջին մասնագիտական կրթության մասին» ՀՀ օրենքը ևս սահմանում է, որ կրթության մեջ ներգրավված բոլոր օբյեկտներն ու սուբյեկտներն իրավահավասար են: Իրավունքների իրացումը, դրանցից բխող պարտականությունների համակարգային հետևումը կարևորվում է ուսումնասիրված գրեթե բոլոր նյութերում⁴⁶:

Իրավահավասարության ուղիղ կարևորությունից բացի, այն կարևոր է նաև տնտեսական տեսանկյունից: Առարկայական չափորոշիչներում կարևորվում է երկարաժամկետ ուսուցումը, քանի որ այն յուրաքանչյուր անձի դարձնում է ավելի ռեսուրսառու և կարևոր տնտեսական զարգացման համար: Բացի այդ, ուսումնասիրված նյութերն ու օրենքները շեշտադրում են նաև հավասարության տնտեսական առավելությունները: Օրինակ, կանանց և տղամարդկանց իրավունքների հավասարությունը դիտարկվում է մինևույն նժարի վրա, երբ խոսվում է մասնավոր ձեռնարկատիրությունների, ազգային տնտեսության և համաշխարհային տնտեսության մասին, ինչպես նաև դրանց միջև համակարգում իրականացնող պետության դերի մասին: Այստեղ կանանց և տղամարդկանց իրավունքները դիտարկվում են որպես տնտեսական և հասարակական

⁴⁵ ՀՕ-297. (1999). «ՀՀ Կրթության մասին» օրենք. Հոդված 2.4. Վերցված է՝ <https://www.arlis.am/DocumentView.aspx?docid=155043>

⁴⁶ ՀՀ ԿԳՄՍՆ. (2023). Հրաման N 12-Ն. ՀՀ ԿԳՄՍ Նախարարի 2022 թվականի նոյեմբերի 24-ի N 65-Ն հրամանում փոփոխություն կատարելու մասին. Վերցված է՝

<https://www.arlis.am/DocumentView.aspx?docid=175582>; ՀՕ-164-Ն. (2005). «Նախնական մասնագիտական և միջին մասնագիտական կրթության մասին» օրենք. Վերցված է՝

<https://www.arlis.am/documentview.aspx?docID=68301>; ՀՕ-297. (1999). «ՀՀ Կրթության մասին» օրենք. Վերցված է՝ <https://www.arlis.am/DocumentView.aspx?docid=155043>, ; ՀՀ Կառավարություն.

(2021). Հրաման N 136-Ն. Հայաստանի պետական չափորոշիչի հաստատման կարգ. Վերցված է՝ <https://www.arlis.am/DocumentView.aspx?docid=149788>; ՀՀ ԿԳՄՍՆ. (2023). Հրաման N 44-Ն.

Հանրակրթական ուսումնական հաստատություններում «Մայրենի» 1–6-րդ, «Հայոց լեզու» 7–12-րդ, «Գրականություն» 7–9-րդ և «Հայ գրականություն» 10–12-րդ դասարանների առարկայական չափորոշիչը հաստատելու մասին.

փոխհարաբերությունների և փոխազդեցությունների արդյունք⁴⁷:

Այս ամենին ի հավելում, «Կրթության մասին» ՀՀ օրենքը և ՀՀ կրթության մինչև 2030 թվականի զարգացման պետական ծրագիրն առանձնահատուկ կարևորություն են տալիս մարդկային կապիտալի զարգացմանը, որը բացառում է գենդերային անհավասարությունը: «Կրթության մասին» ՀՀ օրենքի 20-րդ հոդվածը՝ արտադպրոցական կրթության մասին, ներկայացնում է այն արժեքները, որոնց զարգացումը համարվում է կարևորագույն խնդիր:

«Ծրագրի կենտրոնում մարդն է, իսկ նրա կարողությունների ընդլայնումը՝ մարդկային կապիտալը զարգացնելու և իրացնելու միջոց... անհատի բարեկեցության ապահովման, երկրի տնտեսական աճի, սոցիալական առաջընթացի և պետության ամրապնդման գրավական ու շարժիչ ուժ՝ մարդկային զարգացման համաթվի առումով ներառելով երկիրը աշխարհի առաջատար երկրների շարքում»:

ՀՕ 441-Ն՝ ՀՀ կրթության մինչև 2030 թվականի զարգացման պետական ծրագիր

Այսպիսով, իրավահավասարությունը և գենդերային հավասարությունը դառնում են ոչ թե նպատակ, այլ մարդկային կապիտալի ամբողջական օգտագործման միջոց, ներառելով բոլոր գենդերներին⁴⁸: Գենդերային

հավասարությունը իրավական տեսանկյունից նաև դիտարկվում է որպես կրթության որակի չափանիշ, որը պետք է տրամադրվի պոտենցիալ մարդկային կապիտալ ներկայացնող երեխաներին⁴⁹: Սակայն, չնայած իրավական հավասարության առկայությանը, որևէ ուսումնասիրված նյութ չի ներկայացնում ֆինանսական բաշխման արդարությունը պատկերող սխեմա կամ կարգավորող մեխանիզմ: Նույնիսկ պետական ուսումնական դասագրքերում կանայք ներկայացված են կարծրատիպային և տնտեսապես ոչ մրցակցային

⁴⁷ ՀՀ Կառավարություն. (2021). Հրաման N 136-Ն. Հայաստանի պետական չափորոշիչի հաստատման կարգ. Վերցված է՝ <https://www.arlis.am/DocumentView.aspx?docid=149788>

⁴⁸ ՀՕ-297. (1999). «ՀՀ կրթության մասին» օրենք. Վերցված է՝ <https://www.arlis.am/DocumentView.aspx?docid=155043>; ՀՀ Կառավարություն. (2021). Հրաման N 136-Ն. Հայաստանի պետական չափորոշիչի հաստատման կարգ. Վերցված է՝ <https://www.arlis.am/DocumentView.aspx?docid=149788>; ՀՀ ԿԳՄՍՆ. (2023). Հրաման N 44-Ն. Հանրակրթական ուսումնական հաստատություններում «Մայրենի» 1-6-րդ, «Հայոց լեզու» 7-12-րդ, «Գրականություն» 7-9-րդ և «Հայ գրականություն» 10-12-րդ դասարանների առարկայական չափորոշիչը հաստատելու մասին; ՀՕ-441-Ն. (2022). «ՀՀ կրթության մինչև 2030 թվականի զարգացման պետական ծրագիրը» հաստատելու մասին. Վերցված է՝ <https://www.irtek.am/views/act.aspx?aid=156043>

⁴⁹ ՀՕ-62. (2005). «Բարձրագույն և հետբուհական կրթության մասին» օրենք. Վերցված է՝ <https://www.arlis.am/documentview.aspx?docid=25820>

աշխատանքներ կատարելով:

Դասագրքեր. օրենքներ թղթի՞ վրա

«Կրթության մասին» ՀՀ օրենքի 11-րդ հոդվածը նշում է, որ «կրթության բովանդակությունը հասարակության հոգևոր, տնտեսական և սոցիալական առաջընթացի հիմնական գործոններից մեկն է և նպատակաուղղված է երիտասարդ սերնդի դաստիարակմանը, պատշաճ վարքի և վարվելակերպի ձևավորմանը, անձի համակողմանի և ներդաշնակ զարգացմանը, նրանց ինքնորոշման և ինքնադրսևորման համար անհրաժեշտ պայմանների ստեղծմանը, քաղաքացիական հասարակության կայացմանն ու զարգացմանը, իրավական պետության ստեղծմանն ու կատարելագործմանը»⁵⁰: Զետևաբար, դասագրքերի և կրթական բովանդակության ուսումնասիրությունն անմիջականորեն կարևոր է՝ հասկանալու, թե արդյոք կրթական համակարգը գենդերազգայուն և իրավահավասար է:

Կրթական դասագրքերի ուսումնասիրության ընթացքում պարզ դարձան **երեք բանալի թեմաներ**, որոնք կապակցված են իրավական կարգավորումներին և պետք է խրախուսեն խտրականության բացակայություն և գենդերային իրավահավասարություն: Առաջին թեման, որ բացահայտվել է ուսումնասիրության արդյունքում, դասագրքերում կնոջ և տղամարդու արդեն իսկ կարծրացած հասարակական դերերի ամրապնդումն է: Դասագրքերից շատերում կնոջ և տղամարդու դերերը հստակորեն բաժանված են. կինը հաճախ ներկայացվում է որպես տնային տնտեսուհի, իսկ տղամարդը՝ տարբեր մասնագիտությունների ներկայացուցիչ, մինչդեռ բուն օրենքներն ու իրավական կարգավորումները պահանջում են իրավահավասարություն, որն իր հերթին նպաստում է երկրի տնտեսական աճին: Կնոջ կերպարը դասագրքերում ներկայացված է որպես տատիկ, մայրիկ, աշակերտուհի, պարուհի կամ տնային այլ աշխատանքներ իրականացնող անձ, իսկ տղամարդկանց կերպարները

⁵⁰ ՀՕ-297. (1999). «ՀՀ Կրթության մասին» օրենք. Զոդված 11. Վերցված է՝ <https://www.arlis.am/DocumentView.aspx?docid=155043>

հիմնականում արտացոլում են սոցիալական նորմերն ու կարծրատիպերը: Օրինակ, «Մայրենի 2» դասագրքում պատկերված է ջուր տանող կին՝ քամիչով, մինչդեռ տղամարդիկ նույն հարթակում շախմատ են խաղում (Էջ 34): Նույն դասագրքում՝ մաս առաջին, երկու տարբեր ընտանիքներում կնոջ կերպարը մշտապես ուտելիք պատրաստողի դերում է (Էջ 75): Տղամարդը նաև կրում է այլ պաշտոններ, օրինակ հոգատար ոստիկանի⁵¹, ֆուտբոլիստի⁵², պատմական հերոսների և այլն, իսկ կնոջ կերպարի բազմազանությունը սահմանափակվում է ուսուցչուհու կերպարով:

Ուսուցչուհու կերպարը հարկ է քննարկել առանձին: Օրինակ՝ հինգերորդ դասարանի «Մայրենի» դասագրքում ուսուցչի կերպարում մշտապես կանայք են, ինչը լիովին հակասում է «*Ընդդեմ կանանց նկատմամբ բռնության կռալիցիա*» ՀԿ նախագահի ԿԳՄՆ ուղղված պատասխան հրամանի (տես Հավելված 5) այն պնդմանը, որ դասագրքերում գենդերային դերերի բաշխումը բացառված է: Ուսուցչուհու կերպարում միայն իգական սեռի ներկայացվածությունը ոչ միայն խտրական է կանանց, այլ նաև այն տղամարդկանց նկատմամբ, ովքեր ուսուցիչներ են:

⁵¹ Սարգսյան, Ա. Վ., Ջիլավյան, Ե., & այլոք. (2023). *Մայրենի 2*. «Քվանտ Վարժարան» հրատարակչություն. Էջ. 40 և Էջ. 154. Վերցված է՝ <https://lib.armedu.am/article/15288>


⁵² Ibid., Էջ. 14



Պատկեր 2. Կնոջ կերպարը «Մայրենի» և «Հայոց լեզու» դասագրքերում

Նույն իրավիճակն է յոթերորդ դասարանի «Հայոց լեզու» դասագրքում, որտեղ ուսուցիչը միայն կնոջ կերպարով է ներկայացված: Այս ուսուցչուհու պատկերը կրկնվում է յուրաքանչյուր քերականական բաժնի անկյունում: Յոթերորդ դասարանի «Հայոց լեզու» առարկայում ևս ուսուցիչը ներկայացված է միայն կնոջ դերում: Նման իրավիճակ է նաև «Մայրենի 2» դասագրքում, որտեղ առաջին իսկ էջում ուսուցչուհին կրկին կին է (տե՛ս Պատկեր 1): Նման պատկերները սահմանափակում են թե՛ աղջիկների, թե՛ տղաների երազանքները՝ ցույց տալով, որ մասնագիտությունները սահմանափակված են կենսաբանական սեռով:

Երկրորդ՝ չնայած ՀՊԶ-ի շրջանակում մեծ ակնկալիքներին, դասագրքերը շարունակում են դնել հստակ դերային ակնկալիքներ յուրաքանչյուր կենսաբանական սեռի առջև՝ սահմանափակել յուրաքանչյուր սեռի սոցիալական դերը: Կնոջ կերպարը ներկայացված է որպես արքայադստեր կամ ամուսնության համար պայքարող, տնային գործերով զբաղվող, սիրուն, գեղեցիկ, համեստ, երգեցիկ աղջիկ, որի ինքնության մեջ արդեն կարելի է տեսնել ապագա «հիասքանչ մայր» կերպարը: Մինչդեռ տղաները պատկերված են որպես քաջ,



խորամանկ, և առավելապես զինվորական կերպարներում, որոնց շարքում ոչ միայն մեկ, այլ մի քանի զինվորներ կան՝ խորհրդանշելով կրթության «ռազմականացումը», և միաժամանակ անտեսելով իգական սեռի ներկայացուցիչ զինվորներին: Օրինակ, «Մայրենի 2»-ում միայն տղաներն են ուսուցիչի և միայն տղաներն են գյուղով գերան կտրում (Էջ 21), միայն տղաներն են ոստիկաններ, և տղամարդիկ են պատմական հերոսներ (տե՛ս Պատկեր 2):

55

Դասագրքի հաջորդող

հատվածներում նույնպես միայն արական սեռի հերոսներ են արծարծվում,

օրինակ՝ Հայկ Նահապետը, Սասունցի Դավիթը, Արգիշտի թագավորը,

Պատկեր 2. «Մայրենի լեզու» դասագրքում հերոսների նկարագրության բաժին

Մեսրոպ Մաշտոցը, պապիկը, հայրիկը... հայրենիքը ևս մեկ անգամ

հայրակենտրոն է: Ցավոք, այս դասագրքում ոչ միայն հերոսներն են միայն արական սեռի ներկայացուցիչներ, այլ նաև նրանց օրինակել ցանկացողները:

Օրինակ, տարվում են համեմատություններ Հայկ Նահապետի և Արմենի միջև (Էջ

56), Արգիշտի թագավորի և Արգիշտիի միջև (Էջ 66), գիրքը համոզում է Արային և ներկայացնում Մեսրոպ Մաշտոցին և այլն: Կանանց մասին միակ հիշատակը 72-րդ էջում է՝ Յոնիսիմե և Գայանե կույսերի մասին, որոնց անուններն անգամ չեն նշվում: Մնացած հատվածներում կանայք կրկին հայտնվում են փայփայողի, անկարևոր և լուսանցքային դերում:

Կրթական բովանդակությունից դուրս, դպրոցի պարտադիր գրականության մեջ ներկայացված են միայն հինգ կին գրողներ: «Մայրենի 5»-ում կին գրողներից ներառված են ընդամենը երեք ստեղծագործություններ, մինչդեռ տղամարդկանց՝ 19 (իսկ ևս 4-ը անհայտ գրողներ են): «Գրականություն 7»-ում կին գրողներ ներկայացված են միայն երկուսը, և թիվն էլ հավելվել է վերջերս, երբ Չապել Եսայանը նույնպես ներգրավվել է կրթական համակարգում: Այսպիսով, կրթական բովանդակությունից դուրս, դպրոցական պարտադիր գրականության մեջ միայն հինգ կին գրող է ներկայացված:

Ենթաթեմա 2. Գենդերային զգայունության արտացոլումը հայաստանյան բուհերում՝ մանկավարժի մասնագիտության բակալավրիատի և մագիստրատուրայի բաժիններում:

Հայաստանում կրթության կազմակերպումը իրականացվում և կարգավորվում է ոչ միայն պետական օրենքների և իրավական ակտերի միջոցով, այլ նաև յուրաքանչյուր կրթական հաստատությանը տրված՝ կրթությունը կառավարելու ազատության և անկախության հնարավորությամբ: ՀՀ-ում գործող բոլոր պետական կրթական հաստատությունները պարտավոր են ունենալ կրթությունը կարգավորող փաստաթուղթ՝ կրթական կանոնադրություն, որը ներկայացնում է գործողությունների մանրամասն նկարագրությունը և փորձում լրացնել կրթական օրենսդրության և կրթության բուն կազմակերպման միջև առկա բացը:

Ուսումնասիրված նյութերում՝ համալսարանական կանոնադրություններում և մանկավարժներ պատրաստող կրթական ծրագրերում,

գենդերային զգայունությունը հիմնականում արտահայտվում է կրթական բոլոր շահագրգիռ կողմերի իրավահավասարության, բարեվարքության պահանջների և համամարդկային արժեքների ներդրման միջոցով:

Իրավահավասարություն

Այս ուսումնասիրության մեջ իրավահավասարությունը ներկայացված է երեք ուղղությամբ՝

1. Իրավահավասարությունը օրենքներում և իրավական ակտերում,
2. Իրավահավասարությունը համալսարանական կանոնադրություններում,
3. Իրավահավասարությունը ՀՀ ՀՊՄՅ-ի կրթական և անհատական առարկայական ծրագրերում:

Օրենքներում և իրավական ակտերում իրավահավասարությունը ներկայացվում է որպես մարդու իրավունքների պաշտպանության երաշխավորում և պարտականությունների հարգում: Իրավահավասարության այս ընկալումը արտահայտված է, օրինակ, *«Կրթության մասին»*, *«Հանրակրթության մասին»*, *«Բարձրագույն և հետբուհական կրթության մասին»* ՀՀ օրենքներում և հարակից իրավական ակտերում:

Իրավահավասարությունն ուսումնական հաստատություններում ներկայացվում է անհատական ուսումնական հաստատությունների կանոնադրություններով և ներքին քաղաքականություններով, ինչպես, օրինակ, ՀՊՄՅ-ի *«Առաջին բուժօգնության, արտակարգ իրավիճակների և քաղաքաշտպանության ամբիոնի»* կանոնադրությունը: Նույն կերպ կարգավորում են նաև Վալերի Բոյունովի անվան պետական համալսարանը (այսուհետ՝ ԲՊՀ) և Երևանի Մխիթար Հերացու անվան պետական բժշկական համալսարանը (այսուհետ՝ ԵՊԲՀ): Իրավիճակը մի փոքր այլ է «Հայբուսակ» համալսարանում, որտեղ կանոնադրությունն ինքնին ներառում է *«Էթիկայի կանոններ»*, որոնց շրջանակում ներկայացված են *«Բազմազանության, հավասարության և ներառականության»* (Diversity-Equity-Inclusion) կետեր: Այս կանոնադրությունը պահանջում է յուրաքանչյուր ուսանողի նկատմամբ հավասար վերաբերմունք

ցուցաբերել և հավասար հնարավորություններ ապահովել⁵³: ԵՊԲ-ում գենդերազգայունությունն արտահայտվում է բռնության բացառումը կարգավորող կետերով, ինչպես նաև էթիկայի կանոնագրքով: ԵՊԲ հիմնադրամի ներքին կարգապահական կանոնների մեջ հստակ ներկայացվում է բռնության և սեռական ոտնձգությունների արգելքը բոլոր կողմերի միջև⁵⁴: ԵՊԲ կանոնադրությունում գենդերազգայունության և հավասարության դրսևորում կարելի է համարել *«համակեցության, բարոյականության, էթիկայի, ակադեմիական ազնվության և բարեվարքության նորմերը»*, որոնք, ըստ միջազգային բնորոշման, պետք է ներառեն գենդերային հավասարություն և խտրականության բացառում: ԵՊԲ ներքին կանոնակարգը փոխկապակցված է նաև ԵՊԲ էթիկայի կանոնագրքի հետ, որտեղ *«հավասարությունը»* դիտարկվում է որպես արդարության և սոցիալական արդարության բաղադրիչ: Կանոնագրքի 12-րդ կետում նշվում է, որ սոցիալական գործընկերությունը, որը համալսարանի էթիկայի գլխավոր սկզբունքն է, պետք է ապահովվի՝ նպաստելով սոցիալական հավասարության և համերաշխության հաստատմանը: ԵՊԲ-ում հավասարության և խտրականության հարցերը կարգավորվում են նաև այլ արդեն կանոնադրական հոդվածներով⁵⁵:

Իրավահավասարության հաջորդ ուղղությունը վերաբերում է ԶՊՄ-ում ուսուցանվող և ապագա ուսուցիչներ պատրաստող բոլոր կրթական ծրագրերում գենդերազգայունության առկայությանը կամ բացակայությանը: Ուսումնասիրված ԶՊՄ-ի 16 ծրագրերից *«Չայոց լեզու և գրականություն»* ուսուցանող ապագա մանկավարժները, ըստ ծրագրային պլանների, որոնք ստացվել են *«Ընդդեմ կանանց նկատմամբ բռնության կոալիցիա»* ԶԿ նախագահին ուղղված պատասխան հրամանին (տե՛ս Զավելված 7) կից, չեն ուսումնասիրելու իրենց իսկ իրավունքներն ու հավասարությունները: Նույն իրավիճակն է նաև «Ֆիզիկա» և

⁵³ Զամալսարանական խորհուրդ. (2022). *«Չայոց լեզու» համալսարանի էթիկայի կանոնագիրք*: Վերցված է՝ https://haybusak.am/wp-content/uploads/2023/07/R01-YHU-Code_of_Ethics-EN.pdf

⁵⁴ ԵՊԲ. (2023). *ԵՊԲ կանոնադրություն*: Վերցված է՝ http://documentation.yzu.am/wp-content/uploads/2023/02/University_Charter-2023_02_13.pdf; ԵՊԲ. (2021). *ԵՊԲ Բարեվարքության կանոնակարգ*: Վերցված է՝ <http://documentation.yzu.am/wp-content/uploads/2021/12/Ethics-code.pdf>

⁵⁵ ԵՊԲ. (2023). *ԵՊԲ կանոնադրություն*. Էջ. 3: Վերցված է՝ http://documentation.yzu.am/wp-content/uploads/2023/02/University_Charter-2023_02_13.pdf

«Կենսաբանություն» առարկայական ծրագրերում: Ուսումնասիրված առարկայական ծրագրերից միայն երեքում է հստակ նշվում, որ մարդու իրավունքները և իրավահավասարության ընկալումն ու կիրառումը կրթության կառավարման գլխավոր գործիք և հաջողության գրավական են:

ՀՊՄՀ-ի բոլոր բաժինների առարկայական ծրագրերում գենդերազգայունության հետ խաչվող, անուղղակի հավասարությունն քարոզող կետերը ներկայացված են [Հավելված 3-ում](#):

Բարեվարքություն

Ըստ «Կրթության մասին» ՀՀ օրենքի՝ կրթության քաղաքականության սկզբունքներից են մարդասիրության, համամարդկային արժեքների, անհատի ազատ և համակողմանի զարգացման, քաղաքացիական գիտակցության, ազգային արժանապատվության, հայրենասիրության և օրինականության դաստիարակությունը⁵⁶: «Հանրակրթության մասին» ՀՀ օրենքը ևս նշում է, որ մանկավարժական աշխատողը պարտավոր է պատշաճ վարքագիծ ու վարվելակերպ ձևավորել երեխաների մեջ, ինչպես նաև նրանց դաստիարակել հայրենասիրությամբ⁵⁷, որը դիտվում է որպես բարեվարքության դրսևորում: Ուսումնասիրված կրթական կանոնադրություններում բարեվարքության այս դրսևորումներն ակնկալվում են և՛ ուսանողի, և՛ դասախոսական կազմի կողմից: Ըստ ՀՀ օրենսդրության, սա պետք է ապահովվի համաձայն «Կրթության մասին» ՀՀ օրենքի, պետական չափորոշիչների, և արդեն համալսարանական մակարդակում՝ բոլոր ուսումնական կանոնադրությունների միջոցով: Ինչպես օրինակ՝ ըստ ԵՊԲՀ-ի ընդհանուր կանոնադրության գիտահետազոտական անձնակազմը պարտավոր է սովորողների շրջանում ձևավորել մի շարք սոցիալականացման համար կարևոր հատկանիշներ՝ ներառյալ պատշաճ վարք և վարվելակերպ, քաղաքացիական դիրքորոշում և հայրենասիրություն⁵⁸:

⁵⁶ ՀՕ-297. (1999). «ՀՀ Կրթության մասին» օրենք. Վերցված է՝ <https://www.arlis.am/DocumentView.aspx?docid=155043>

⁵⁷ Ibid., Հոդված 27, կետ 2.9

⁵⁸ ՀՕ-297. (1999). «ՀՀ Կրթության մասին» օրենք. Հոդված 27, կետ 3. Վերցված է՝ <https://www.arlis.am/DocumentView.aspx?docid=155043>

Բարեվարքությունը կարևոր մաս է կազմում նաև «Չայբուսակ» համալսարանի էթիկայի կանոնագիրք, ԵՊՅ կանոնադրության և էթիկայի կանոնագրքի, ինչպես նաև ներքին կարգապահական կանոնների և ՀՊՄՐ ընդհանուր կանոնադրության: Բարեվարքության չպահպանումը, օրինակ՝ ըստ ԵՊՅ ընդհանուր կանոնադրության, էթիկական խախտում է, որը պետք է քննարկվի և պատժվի էթիկայի հանձնաժողովի կողմից:

Ստացվում է բարեվարքությունը կարող է ունենալ երկու ընկալում՝

1. Բարեվարքությունը՝ որպես գենդերային հավասարության և խտրականության բացառման միջոց, որը հիմնավորվում են վերոնշյալ օրենքները, կանոնակարգերն ու իրավական ակտերը, և
2. Բարեվարքությունը՝ դաստիարակության ընկալման սուբյեկտիվ տարբերությունները հնարավորություն են տալիս որոշելու հասարակությունում բարեվարքության չափանիշները՝ դառնալով անհավասար և խտրական սերունդների ձևավորման հիմք:

Համամարդկային արժեքներ

ՀՀ օրենքներն ու իրավական ակտերը կառուցված են «համամարդկայնության» և «մարդասիրության» արժեքների վրա: Ցանկացած ուսումնական ծրագիր և կանոնակարգ պետք է բխի առկա օրենսդրությունից: Հետևաբար, եթե ՀՊԶ-ն պահանջում է, որ ուսումնադաստիարակչական մեթոդներով ուսուցիչները պետք է ապահովեն արժեքային բաղադրիչը՝ ազգային և համամարդկային արժեքների սերմանամբ, ապա բոլոր ուսումնական փաստաթղթերը պետք է արտացոլեն նույն արժեքային համակարգը: «Համամարդկայնությունը» ոչ միայն հաճախ է հանդիպում կանոնակարգերում որպես ուսումնական ընդհանուր նպատակ, այլև ընդգրկված է որոշ ՀՊՄՐ-ի տարեկան ուսումնական ծրագրերում (բակալավրիատի ծրագիր (այսուհետ՝ ԲԿԾ) և մագիստրատուրայի ծրագիր (այսուհետ՝ ՄԿԾ) Հասարակագիտություն, ԲԿԾ և ՄԿԾ Ինֆորմատիկա, ՄԿԾ Քիմիա):

Կանոնադրություններում և կրթական ծրագրերում համամարդկային

արժեքը հաճախ անջատ է դիտարկվում մարդու իրավունքների պաշտպանությունից և չունի անհատական բացվածք: Քանի որ ցանկացած կրթական փաստաթուղթ դիտարկվում է ՀԴԶ տեսանկյունից, այստեղ նույնպես համամարդկային արժեքները կարելի է դիտարկել որպես արդարության, խտրականության բացակայության, գենդերազգայունության, ներառականության և բարության իրավական հիմք:

Կանոնադրություններում համամարդկային արժեքները, ներառյալ հավասարությունը, ներկայացված են երկու հիմնական ուղղությամբ՝

1. Համամարդկային արժեքները՝ որպես բռնության բացառման գրավական
2. Համամարդկային արժեքները՝ որպես վարքագծային փոփոխությունների հիմք

Բռնության բացառում. գենդերազգայունության առաջին նախապայմաններից մեկը մասնակից բոլոր խմբերի համար ապահով պայմանների ստեղծումն է, հատկապես կանանց և աղջիկների համար՝ մեծ համալսարաններում և բարձր մարդկային ու համալսարանական փոխհարաբերությունների մեջ: Ուստի, սեռական ոտնձգություններից պաշտպանությունն աշխատանքային հարաբերություններում և ուսումնական գործընթացում առաջնահերթ է: Օրինակ, ԵԴՅ-ն այս ամենը կարգավորում է ներքին կանոնակարգով, ըստ որի «ԵԴՅ-ում արգելվում է բռնությունը՝ իր բոլոր դրսևորումներով» (Էջ. 1): Նմանատիպ կարգավորումներ ունի նաև «Հայբուսակ» համալսարանը, ըստ որի՝ Էթիկայի կանոնագրքի, համալսարանը պետք է ապահովի երկկողմանի օգնության և ապահովության զգացում՝ ուսանողության և դասախոսական կազմի միջև (Էջ. 1): Ի հակադրություն, ԲԴՅ-ում չկա որևէ կետ բռնության կամ խտրականության կանխարգելման վերաբերյալ, ինչպես նաև չկա կանանց ներգրավվածության պարտադիր պահանջ՝ քվոտա գիտական խորհրդում: Ուսումնասիրված կանոնակարգերում բռնության բացառումը հիմնականում ներկայացվում է պատշաճ վարքագծի և վարքագծային նորմերի միջոցով՝ համապատասխան համամարդկային արժեքների և դրանց նկատմամբ հարգանքի ապահովմամբ:

Վարքագծային փոփոխություններ. ուսումնասիրված գրեթե բոլոր ուսումնական տարեկան ծրագրերն ու կանոնակարգերը դիտարկում են

աշակերտին և սովորողին որպես փոփոխվող սուբյեկտներ, որոնց դաստիարակությունը և վարքագիծը մեծապես կախված է մանկավարժի և կրթողի ազդեցությունից: Կանոնակարգերն ու տարեկան ծրագրերը՝ հիմնված ՀԴԶ-ների և կրթական օրենսդրության վրա, նպատակ ունեն դաստիարակելու պատշաճ վարքագիծ ունեցող երիտասարդների: Օրինակ, ԵՊՀ-ն նպատակ ունի զարգացնելու սովորողի հոգևոր, բարոյական և մտավոր կարողությունները, իսկ ՀՊՄՀ-ում վերահսկվում են ուսումնադաստիարակչական աշխատանքները (էջ 7):

Տարեկան կրթական ծրագրերում վարքագծային փոփոխությունները ներկայացվում են նաև որպես ծրագրային կրթական վերջնարդյունքներ: Վարքագծային փոփոխությունն ձևավորելու համար յուրաքանչյուր մանկավարժ պետք է կարողանա ուսումնասիրել, պատկերացնել և ներկայացնել անձը՝ որպես մանկավարժական գործընթացի սուբյեկտ, ընդունելով նրա հոգեբանամանկավարժական, տարիքային-անհատական առանձնահատկությունները և սոցիալականացման օրինաչափությունները, նրա վրա ազդող ներքին և արտաքին գործոնները⁵⁹: Ներքին և արտաքին գործոնները կարող են ներառել, օրինակ, երեխայի հոգեբանությունը (ներքին գործոններ) և ազգային, համամարդկային, սոցիալ-մշակութային, տնտեսական և քաղաքական գործոնները (արտաքին գործոններ): ՀԴՄՀ-ի մանկավարժական կրթական ծրագրերում սովորողը դիտարկվում է որպես սուբյեկտ, որը կարգավորվում է ուսուցիչ-սուբյեկտ փոխհարաբերություններով, որոնք պարտավոր է զարգացնել համալսարանը: ՀԴՄՀ-ում հասարակագիտության բաժնի ուսումնական ծրագրի համաձայն՝ նման դասապրոցեսը սուբյեկտ-սուբյեկտային փոխհարաբերությունների արդյունք է, որի շնորհիվ երեխայի կամ սովորողի մեջ ներդրվում են արդի վարքագծային փոփոխություններ: Նմանատիպ փոփոխությունների շնորհիվ ուսումնական ծրագրերն ու կանոնադրությունները կարող են դառնալ գենդերազգայուն կամ ինտերսեկսուալ:

⁵⁹ ԲԿԾ և ՄԿԾ Հասարակագիտություն, ՄԿԾ Կենսաբանություն, ԲԿԾ Ինֆորմատիկա, ԲԿԾ Հայոց լեզու, ԲԿԾ և ՄԿԾ Մաթեմատիկա, ՄԿԾ Զիմիա, ՄԿԾ Պատմություն, ՄԿԾ Ֆիզիկա

Ենթաթեմա 3. Կանանց (աղջիկների) նկատմամբ բռնության և ընտանեկան բռնության կանխարգելման և արձագանքման ողջ գործընթացում առնչվող մասնագետների աշխատանքային վերապատրաստման նյութերը և դրանց հիմքում ընկած նորմատիվ իրավական կարգավորումները

Կանանց և աղջիկների հանդեպ ընտանեկան բռնությունը Հայաստանում սոցիալական կարևորագույն խնդիրներից է, որը հատկապես աղմկահարույց դարձավ, երբ 2017 թվականին ՀՀ Ազգային ժողովն ընդունեց *«Ընտանիքում բռնության կանխարգելման, ընտանիքում բռնության ենթարկված անձանց պաշտպանության և ընտանիքում համերաշխության վերականգման մասին»* ՀՀ օրենքը: Օրենքի գերնպատակը ընտանեկան բռնության ենթարկվածների պաշտպանությունը, բռնարարների պատիժն ու բռնության կանխարգելման ուղղությամբ աշխատանքների իրականացումն էր: Օրենքը նաև ենթադրում է բռնության ենթարկվածների համար ապաստանների տրամադրում և հետագա պաշտպանություն: Այդ իսկ պատճառով ՀՀ կառավարության 2021-2026 թվականների գործունեության միջոցառումների ծրագիրը ներառում է Կանանց ռեսուրս կենտրոնների հիմնադրում, որոնք պետք է դառնան բռնության ենթարկված կանանց ապաստարաններ⁶⁰: Օրենքում նաև հստակ նշվում են առանձնահատուկ կարևորության անձանց և ստորաբաժանումների կարևորությունը օրենքի նպատակին ծառայելու համար, այդ ստորաբաժանումներից մեկն է ՀՀ ՆԳՆ ոստիկանությունը⁶¹:

Բռնությունը, որը առաջնային գենդերային անհավասարության հետևանք է, պաշտպանված է մշակութային կարծրատիպերով, որոնք դժվարացնում են դրա նշանառումն ու կանխարգելումը: Չնայած *«Հայաստանի Հանրապետությունում գենդերային քաղաքականության իրականացման 2024-2028 թվականների ռազմավարությունը և միջոցառումների ծրագիրը հաստատելու մասին»* ՀՀ

⁶⁰ ՀՀ կառավարություն. (n.d.). Որոշում N2300-L, ՀՀ կառավարության 2023 թվականի Նոյեմբերի 18-ի N-1902-L որոշման մեջ փոփոխություններ կատարելու մասին. Վերցված է՝ <https://www.arlis.am/DocumentView.aspx?DocID=176068>

⁶¹ Ibid.

կառավարության որոշման նախագիծը պնդում է, որ ՀՀ քննչական կոմիտեն քննել է ընտանեկան բռնության 1051 վարույթ (2024), այս թիվը միայն արհեստականորեն է ներկայացնում ընտանեկան բռնության ցուցանիշը և չի կարող օգտագործվել որպես քննչական կոմիտեի կամ ոստիկանության արդյունավետության ապացույց կամ երկրում ընտանեկան բռնության աճի ցուցանիշ: Ընտանեկան բռնության և կանանց ու աղջիկների նկատմամբ բոլոր տեսակի բռնության դեպքերի մեծ մասը մնում է անբացահայտ՝ ելնելով առկա սոցիալական պատասխանատվությունից, հասարակական քննադատությունից և «ընտանիքի/ազգային արժեքներ»-ի թյուրըմբռնումից:

Ընտանեկան բռնությունը կարող է ներառել սեռական, տնտեսական, հոգեբանական և ֆիզիկական բռնության ձևեր: Համաձայն Եվրոպայի խորհրդի նախաձեռնությամբ պատրաստված ուղեցույցի, օրինակ ընտանեկան բռնության դեպքում, բռնությունից պաշտպանության երեք տեսակ գոյություն ունի՝ (1) նախազգուշացում, (2) միջամտություն և (3) պաշտպանական որոշում⁶²: Բոլոր երեք ուղղություններում էլ ոստիկանության դերը առաջնային է՝ և՛ որպես նախազգուշացնող, և՛ որպես կանխարգելող, և՛ պաշտպանող մարմին: Հաշվի առնելով կանանց և սեռականության, ընտանեկան բռնությունների և ընտանեկան հարաբերությունների ընկալման տարաբնույթ կարծիքները, ինչպես նաև ոստիկանական համակարգի բարդ կառուցվածքը, կարևոր է, որ բոլոր ոստիկանական սպայակազմը պատրաստ լինի քննչական ցանկացած աշխատանք իրականացնել առանց «ավանդական» կարծրատիպերի՝ գործածելով առկա իրավական մեթոդները: Օրինակ, եթե ոստիկանությունը ստանում է բռնության դեպքի մասին ահազանգ, այն պարտավոր է գործել ըստ օրենքի, այլ ոչ թե փորձել հարցը լուծել համայնքային կապերի միջոցով: Սա ստիպում է շատ կանանց և աղջիկների դիմել ոստիկանություն միայն ծայրահեղ դեպքերում, երբ այլ ելք չկա, քանի որ չկա վստահություն դեպի ոստիկանություն, հատկապես համայնքային

⁶² Ուիլս, Է., Գասպարյան, Ա., & Մաթոսյան, Ա. (2018). *Ոստիկանության արձագանքը Հայաստանում կանանց նկատմամբ բռնությանը և ընտանեկան բռնությանը: Գործնական ձեռնարկ Հայաստանի ոստիկանության համար*. Եվրոպայի խորհուրդ. Վերցված է՝ <https://rm.coe.int/coe-police-response-to-vaw-and-dv-in-armenia-handbook-arm-14-12-2018-2/pdf/1680af8171>

ոստիկանական բաժանմունքներում: Այս ուսումնասիրության նյութերը դիտարկվում են կոմունալ համայնքում գործող ուժային հարաբերություններից դուրս՝ հասկանալու համար, թե ինչպես են ուսումնասիրված նյութերը կրթում ոստիկանական սպային կամ առողջապահության կազմակերպման պատասխանատուներին:

Ուսումնասիրված նյութերի և օրենքների վերլուծության արդյունքում վերապատրաստման և ուսուցման բովանդակությունը կարելի է դիտարկել չորս հիմնական ուղղություններով՝ (1) բռնության կանխարգելում, (2) իրավահավասարություն, (3) բարեվարքություն և բարոյականություն, և (4) շարունակական կրթություն:

Բռնության կանխարգելում

Ըստ միջին մասնագիտական կրթության 1032.01.5 «Ոստիկանական գործ» մասնագիտության և «Ոստիկանական սպա» որակավորման պետական կրթական չափորոշի (այսուհետ՝ ՊԿԶ), «ոստիկանության սպա» որակավորում ստացած մասնագետը կատարում է համայնքային ոստիկանության տեսուչի, ինչպես նաև անչափահասների գործերով և ընտանիքում բռնության կանխարգելման տեսուչի պարտականությունները: Այս մասնագիտության հիմնական նպատակներն են մարդու իրավունքների և ազատությունների պաշտպանությունը, անվտանգության ու գաղտնիության ապահովումը, ինչպես նաև հանցագործությունների պատշաճ արձանագրումը և վերաբերումը: ՊԿԶ-ներում հստակ նշվում է, որ այս որակավորման մասնագետները պարտավոր են ուշադրություն դարձնել ընտանիքում բռնության բոլոր դեպքերին, վերլուծել իրավիճակը և ներկայացնել համապատասխան առաջարկներ: Ներկայումս, երբ ոստիկանությունը փորձում է ներդնել բողոքների հաշվառման կանոնակարգված համակարգ, «մարդկային սխալի գործոնը» կրճատվելու հնարավորություն ունի, եթե սպաները պահպանեն մասնագիտական էթիկան և չկեղծեն տվյալները կամ չխախտեն իրենց տված մասնագիտական երդումը:

Ոստիկանական կրթակարգում ներառված են 30 մոդուլներ⁶³, որոնք նպատակ ունեն պատրաստել բազմակողմանի պատրաստվածություն ունեցող ոստիկանության սպա: Այնուամենայնիվ, միայն որոշ մոդուլներում է հստակ նշվում, թե ինչպես պետք է գործել բռնության ենթարկված կանանց և աղջիկների հետ: Կրթակարգի առաջին մոդուլը, որտեղ քննարկվում է կանանց և աղջիկների հանդեպ բռնությունը, դա «Մասնավոր իրավունքի հիմունքներ» մոդուլն է՝ 34 ժամ տևողությամբ: Այս մոդուլում ընդգրկված են քաղաքացիական իրավունքի մանրամասներ, ազատությունների և սահմանափակումների հակադրությունը, ինչպես նաև ամուսնության իրավական կարգավորումները ՀՀ-ում, որտեղ նշված է կանանց և աղջիկների հանդեպ բռնությունը՝ որպես առանձին թեմա:

Մոդուլ 14-ը անդրադառնում է կրիմինոլոգիայում փոխհարաբերություններին՝ ներկայացնելով բռնի հանցագործությունների հիմքերը և տեսակները: Բարդ է հստակ հասկանալ, թե որքան արդյունավետ են դասավանդվում այս մոդուլները, սակայն դրանց շրջանակներում ընտանեկան բռնության կանխարգելումը պատշաճ ժամաքանակով ներկայացված է: Բռնության հասկացությունը քննարկվում է նաև համայնքային ոստիկանության գործունեությունը ներկայացնող 25-րդ մոդուլում, որտեղ անդրադարձ է կատարվում քաղաքացիների վստահությունը վաստակելու խնդիրներին: Հայաստանում սոցիալական և պատմական հիմք ունեցող անվստահությունը դեպի ոստիկանություն ընդգրկված է այս մոդուլում: Կրթահամալիրի կրթակարգում ավելի քան 100 ժամ տրամադրված է օպերատիվ հետախուզական գործունեության ընթացքում գաղտնիության պահպանմանը (Մոդուլ 27): Վերջին երկու մոդուլները՝ Մոդուլ 29 «Ընտանեկան բռնության և անչափահասների կողմից կատարվող իրավախախտումների կանխարգելում» և Մոդուլ 30 «Թրաֆիքինգ և դրա կանխարգելում», մանրամասն քննարկում են բռնության ենթարկվածների պաշտպանության միջոցները, ներառյալ գաղտնիությունը,

⁶³ ՀՀ ԿԳՄՍՆ. (n.d.). Հրաման N 380-Ն՝ Հավելված. *Միջին մասնագիտական կրթության 1032.01.5 «Ոստիկանական գործ» մասնագիտության 1032.01.5 «Ոստիկանական սպա» որակավորման պետական կրթական չափորոշիչ.*

նստիկանության լիազորությունները և թրաֆիքինգի կանխարգելումը: Այս երկու մոդուլների հարաբերական ժամանակը 88 ժամ է, ինչը վկայում է, որ կրթակարգում ընտանեկան բռնությունն ու դրա կանխարգելումը մեծ կարևորություն են վայելում⁶⁴:

Ոստիկանական կրթակարգում բովանդակության համակարգումը կատարվում է ոչ միայն ՊԿԶ-ների միջոցով, այլ նաև առարկայական ծրագրերով, որոնք հստակեցնում են յուրաքանչյուր մոդուլի բովանդակությունը:

«Ընտանիքում բռնության և անչափահասների կողմից կատարվող իրավախախտումների կանխարգելումը» առարկայական նկարագրում նշվում են ոստիկանության ծառայակիցների պարտականություններն ու գործառույթները: Նկարագրում ընդգրկված են նաև անչափահասների հոգեբանական զարգացման առանձնահատկությունները, ինչը հնարավորություն է տալիս ստեղծել միջավայր, որտեղ սպաները կարող են քննարկել և սովորել, թե ինչպես աշխատել անչափահաս աղջիկների և կանանց հետ: Այս առարկաներում անդրադարձ է կատարվում նաև գենդերային հավասարության խնդիրներին և սոցիալական իրավիճակին՝ որպես ընտանեկան բռնության պատճառ: Կատարվում են նաև քննարկումներ բռնությունը գործադրողի հետ աշխատանքի վերաբերյալ:

«Կրիմինոլոգիա», *«Չամայնքային ոստիկանություն»*, *«Մասնավոր իրավունք»* և *«Քրեական իրավունք»* առարկաները նույնպես մանրամասն անդրադառնում են բռնության կանխարգելման և ենթարկվածների պաշտպանության գործում ոստիկանության պատասխանատվությանը: Օրինակ, *«Չամայնքային ոստիկանություն»* առարկայում նշվում են ոստիկանի պարտականությունները համայնքում առկա խնդիրների վերհանման և դրանց արձագանքի մշակման համար: Դասընթացում շեշտվում է նաև համայնքային վստահության կառուցումը, ինչը կարող է ապահովել կանանց և աղջիկների նկատմամբ բռնության դեպքերի ավելի մեծ թվով գրանցում: *«Քրեական իրավունք 2»* առարկան ևս անդրադառնում է թրաֆիքինգի և շահագործման

⁶⁴ ՀՀ ԿԳՄՄՆ. (n.d.). Հրաման N 380-Ն՝ Հավելված. *Միջին մասնագիտական կրթության 1032.01.5 «Ոստիկանական գործ» մասնագիտության 1032.01.5 «Ոստիկանական սպա» որակավորման պետական կրթական չափորոշիչ.*

դեպքերին՝ հնարավորություն տալով սովորողին ուսումնասիրել օրինակներ և ձևավորել իրենց կարծիքը տուժողների հետ փոխհարաբերությունների վերաբերյալ:

Իրավահավասարություն

«ՀՀ Կրթության մինչև 2030 թվականի զարգացման պետական ծրագրում» նշվում է, որ կրթությունն է միակ գործիքը, որը կարող է նպաստել աղքատության, սոցիալական բևեռացման, այլ հասարակական խնդիրների մեղմացմանը և ժողովրդավարության զարգացմանը: Կրթությունը միտված է ոչ միայն ուսանողներին և մասնագետներին տալու համապատասխան «կոշտ» գիտելիքներ, այլ նաև «փափուկ» հմտություններ, որոնք կարևոր են հասարակության ոչ բևեռային և համաչափ զարգացման համար: Այդպիսի փափուկ հմտություններից է գենդերային անհավասարության դրսևորումների նշանառումը և կանխարգելումը, հատկապես ոստիկանական մարմիններում, որտեղ դեռևս տիրում են համայնքային հասարակական նորմեր: Ուստի, առաջնային է ուսումնասիրել, թե ինչպես է ուսումնական ծրագիրը փորձում կոտրել նորմային կարծրատիպերը, այս դեպքում՝ գենդերային անհավասարության վերաբերյալ:

Իրավահավասարության առկայությունը ՆԳՆ Կրթահամալիրի կրթական և առարկայական ծրագրերում կարևոր է, քանի որ այն սահմանում է գենդերային հավասարությունը և, խախտումների դեպքում, պատժի մեխանիզմը, որը կարող է նպաստել կանանց և աղջիկների դեմ բռնության կանխարգելմանը, ապահովել բարվոք միջավայր բռնության դեպքում բողոք ներկայացնելու համար և պաշտպանել նրանց հոգեբանական ճնշումից կամ բռնությունից: Ոստիկանության ուսումնական նյութերում, ինչպես բռնության կանխարգելման դեպքում, իրավահավասարությունը ներկայացվում է ՆԳՆ Կրթահամալիրի և անհատական առարկայական ծրագրերի միջոցով:

ՆԳՆ Կրթահամալիրի կրթակարգի 30 մոդուլներից յոթը վերաբերում են իրավունքի տարբեր ոլորտներին՝ ներառյալ քրեական իրավունք,

սահմանադրական իրավունք, և այլն: Այս յոթ իրավական կրթության մոդուլներից հինգը մանրամասնորեն ներկայացնում են իրավահավասարության կարևորությունը: Մոդուլ 5-ը՝ «*Պետություն և իրավունք*», ներկայացնում է դասախոսությունների շարք «*իրավունքի էությունը*» թեմայով, որտեղ քննարկվում են իրավունքների տեսությունները, դրանց կիրառումը հասարակական հարաբերությունների մեջ և դրանց կարգավորման գործում: Մոդուլ 6-ը՝ «*ՀՀ Սահմանադրական իրավունք*», ներկայացնում է յուրաքանչյուր անձի իրավունքներն ու ազատությունները՝ մարդու և քաղաքացու սահմանադրական կարգավիճակը և գենդերների հավասարությունը: Մոդուլ 10-ի՝ «*Քրեական իրավունք*», շրջանակում կրթահամալրի ուսանողները ուսումնասիրում են հանցագործության կառավարման մանրամասները, ինչպես նաև տուժողներին պաշտպանելու ոստիկանության լիազորությունները: Մոդուլը ներկայացնում է այն հանցանքները, որոնք ուղղված են կյանքի, առողջության, ազատության, արժանապատվության և ֆիզիկական անձեռնմխելիության դեմ: Այս մոդուլը նաև ընդգրկում է սեռական անձեռնմխելիության և ազատության պահպանման սկզբունքները:

Մոդուլ 26-ը՝ «*Մարդու իրավունքներ և ոստիկանություն*», ներկայացնում է Մարդու իրավունքների հռչակագիրը՝ ուսուցման կենտրոնում պահելով ընտանեկան բռնության և խտրականության բացառման կարգավորումներին: Այն ընդգրկում է խոշտանգումների և անմարդկային կամ նվաստացնող վերաբերմունքի կանխարգելման ուղղությամբ ոստիկանության պատասխանատվությունը: Այս մոդուլում քննարկվում է նաև ընտանիքի, ընտանեկան կյանքի, պատվի և բարի համբավի անձեռնմխելիությունը, ինչպես նաև անձնական տվյալների պաշտպանությունը: Մոդուլ 11-ը՝ «*Քրեական դատավարություն*», ներկայացնում է քննչական գործողությունների գաղտնիության տեսակները, ներառյալ իրավական և օպերատիվ գաղտնիությունը, որն ապահովում է անձնական տվյալների պաշտպանությունը քննչական գործընթացում: Այս մոդուլների միջոցով ՆԳՆ Կրթահամալիրը ոչ միայն տալիս է իրավական գիտելիքներ, այլև կարևորում է իրավահավասարությունը և մարդու իրավունքների պաշտպանությունը

նստիկանական գործունեության ընթացքում, ինչը կարևոր է գեներային հավասարության և բռնության կանխարգելման գործընթացներում:

Բարեվարքություն և բարոյականություն

Ըստ միջին մասնագիտական կրթության 1032.01.5 «*Ոստիկանական գործ*» մասնագիտության 1032.01.01.5 «*Ոստիկանության սպա*» որակավորման պահանջների, ի հավելում նստիկանության սպա մասնագիտության մասնագիտական հմտություններին, ինչպիսիք են նստիկանական ենթամշակույթի վերաբերյալ գիտելիքների տիրապետումը⁶⁵, միջանձնային փոխհարաբերությունների, վարվելակերպի և հաղորդակցման հմտությունները⁶⁶, ինչպես նաև մասնագիտական սահմանված գործառույթներին համապատասխան հմտությունները⁶⁷, ցանկացած նստիկան պարտավոր է տիրապետել քաղաքացիների հետ շփման կանոններին՝ հետևելով էթիկայի և բարեվարքության նորմերին⁶⁸: Նույն ՊԿԶ-ում կարևորվում է անձի և հասարակության զարգացման օրինաչափություններին, հասարակության սոցիալական կառուցվածքին և քաղաքականության սուբյեկտներին ծանոթ լինելը, ինչը անհրաժեշտ է ապագա նստիկանին՝ հասարակության մեջ մարդու և հասարակական հարաբերությունների բարդությունները հասկանալու համար⁶⁹:

Սոցիալական գիտելիքներն անհրաժեշտ են, որպեսզի յուրաքանչյուր նստիկան կարողանա պատկերացնել բռնության ենթարկվածի հոգեվիճակը և ապրումները հարցաքննության և բռնության բացահայտման ընթացքում: Մոդուլ 1-ը վերաբերում է հաղորդակցության և միջանձնային հմտությունների զարգացմանը: Մոդուլի համար առանձնացված է 54 ժամ, սակայն մարդկային փոխհարաբերություններն ու օրինաչափությունները քննարկվում են մի շարք այլ մոդուլներում: Էթիկայի պարտադիր կանոն է համարվում նաև նստիկանական

⁶⁵ ՀՀ ԿԳՄՍՆ. (n.d.). Հրաման N 380-Ն՝ Հավելված. *Միջին մասնագիտական կրթության 1032.01.5 «Ոստիկանական գործ» մասնագիտության 1032.01.5 «Ոստիկանական սպա» որակավորման պետական կրթական չափորոշիչ.*

⁶⁶ Ibid., կետ 13

⁶⁷ Ibid., կետ 5

⁶⁸ Ibid., կետ 9

⁶⁹ Ibid., գլուխ 4, կետ 11.5

գաղտնիքի ապահովումը, որը կարգավորվում է քրեական դատավարությամբ: Յուրաքանչյուր ոստիկան պարտավոր է պահպանել գաղտնիությունը և չիրապարակել որևէ անձնական տվյալ կամ պատմություն, որը կապված է քննչական գործընթացում ներգրավված մարդկանց հետ: Գաղտնիության խախտումը օրենքով պատժելի հանցագործություն է, հատկապես տուժողի շահերից ելնելով: *«16. Գաղտնիության ռեժիմ և գաղտնի գործավարություն»* մոդուլը ծանոթացնում է գաղտնիության իրավական հիմքերին և դրանց նշանակությանը, ներկայացնում ոստիկանների և հանրային առողջապահության հետ աշխատող աշխատակիցների իրավունքները, պարտականությունները և գաղտնիության խախտման հետևանքները: Մոդուլ 28-ը՝ *«Հակակոռուպցիոն քաղաքական հիմունքներ»*, ներկայացնում է կաշառք տալու և ստանալու ռիսկերը: Այս մոդուլն ընդգծում է այն հանգամանքը, որ շատ հաճախ ոստիկանական ծառայողները գաղտնիության իրենց լիազորությունները խախտում են շահադիտական նպատակներով:

Սակայն միայն մարդկանց հետ հաղորդակցության հմտությունների ուսուցումը բավարար չէ հանցագործության բոլոր կողմերի հոգեբանությունը հասկանալու և նրանց համապատասխան իրավական բառամթերքով դիմելու համար: Ուստի ՆԳՆ Կրթահամալիրի Մոդուլ 20. *«Մասնագիտական հոգեբանություն և մանկավարժություն»* բաժինը մանրամասնում է սոցիալ-հոգեբանական երևույթները, որոնք կարող են հանդիպել քննչական տարբեր իրավիճակներում: Այս մոդուլով կարգավորվում է նաև ծառայողական շփումների վերաբերյալ հմտությունների զարգացումը: Մոդուլ 21. *«Էթիկա և բարեվարքություն»* մոդուլը, որին հատկացված է 50 ժամ, նպատակ ունի ուսանողներին զինել բարեվարքության և կոռուպցիայի կանխարգելման քայլերով, ապահովել ոստիկանական համակարգում խտրականության բացառումը և բոլորի նկատմամբ պատշաճ վերաբերմունքը, անկողմնակալությունը, ինչպես նաև պատվի, արժանապատվության և անկողմնակալության ապահովումը ոստիկանության բոլոր գործողություններում: *«Ոստիկանական ծառայության էթիկա»* առարկան ներկայացնում է ոստիկանության ծառայողի գործունեության բարոյագիտական արժեքները,

չափորոշիչները և սկզբունքները՝ հիմնված ազգային ավանդույթների և սովորույթների վրա: Այս առարկայական նկարագրում դասընթացները հիմնված են դեպքերի ուսումնասիրության վրա՝ քննարկումների և հարցուպատասխանի միջոցով:

Վարքագծի հարցը շոշափվում է նաև այլ մոդուլներում, ինչպիսիք են՝ «Մարդկանց թրաֆիքինգը (շահագործումը) և դրա կանխարգելումը», որտեղ ներկայացվում է ոստիկանների դերը թրաֆիքինգի կանխարգելման և մարդկային փոխհարաբերությունների մեջ, «Համայնքային ոստիկանություն», որտեղ մանրամասն ներկայացվում է ոստիկանության և հասարակության միջև վստահության կարևորությունը, և «Պետական իրավունքի տեսություն», որտեղ ընդգծվում է էթիկայի պահպանման կարևորությունը իրավահավասարության և իրավունքների պաշտպանության գործում:

Շարունակական կրթություն

Ֆորմալ կրթությունից գատ, կանանց (աղջիկների) նկատմամբ բռնության բոլոր ձևերի ենթարկվածների կամ բռնարարների հետ աշխատող մասնագետների կրթությունը շարունակվում է նաև ոչ ֆորմալ ձևաչափերով: Դրանք ներառում են պետական ատեստավորումներ և վերապատրաստումներ, միջազգային և քաղաքացիական հասարակության նախաձեռնած դասընթացներ և սեմինարներ, ինչպես նաև հաճախ ինքնակրթություն, որը իրականացվում է ոստիկանական ծառայողների նախաձեռնությամբ: Ի տարբերություն նախորդ երեք ենթաբաժինների, շարունակական կրթության մեջ, ոստիկանական ծառայողներից բացի, դիտարկվում են նաև հանրային առողջության ոլորտի մասնագետները՝ բժիշկները և քննչական բաժիններում աշխատող առողջապահության մասնագետները:

Համաձայն «Բնակչության բժշկական օգնության և սպասարկման մասին» ՀՀ օրենքի, բոլոր բուժաշխատողների համար գործում է շարունակական մասնագիտական զարգացման (ՇԱԶ) պարտադիր պահանջ, ըստ որի՝ յուրաքանչյուր բուժաշխատող հինգամյակը մեկ պարտավոր է անցնել

պարտադիր ատեստավորում՝ ՇՄ2 կրեդիտներ հավաքելու և հավաստագիր ստանալու համար: Ավագ բուժաշխատողը պետք է հավաքի առնվազն 220 կրեդիտ, իսկ միջին բուժաշխատողը՝ 140, որպեսզի կարողանա շարունակել իր աշխատանքը⁷⁰: Համաձայն «Ընդդեմ կանանց նկատմամբ բռնության կոալիցիա» ՀԿ նախագահին ուղղված ՀՀ Առողջապահության նախարարության (ԱՆ) պատասխան հրամանի (տե՛ս Հավելված 8), «Ակադեմիկոս Ս. Ավդալբեկյանի անվան առողջապահության ազգային ինստիտուտ»-ն է պատասխանատու բուժաշխատողների վերապատրաստումների իրականացման համար, սակայն **գենդերազգայնության թեմայով ինստիտուտը**

վերապատրաստումներ չի իրականացրել: Այնուամենայնիվ, որոշ դասընթացներ, որոնցից կարելի է ենթադրել գենդերազգայնության և բռնության ենթարկվածների հետ շփման վերաբերյալ ուսուցման առկայությունը, իրականացվել են վերջին տարիներին: Դրանք ներառում են կանանց առողջության պահպանման, բժշկական հոգեբանության և իրավունքի վերաբերյալ թեմաներ (տե՛ս [Հավելված 4](#)):

Ինչ վերաբերում է ոստիկանական ծառայողների վերապատրաստումներին, ապա համաձայն Միջին մասնագիտական կրթության 1032.01.5 «Ոստիկանական գործ» մասնագիտության և «Ոստիկանական սպա» որակավորման, յուրաքանչյուր ոստիկան պարտավոր է պարբերաբար ատեստավորվել՝ ապահովելով շարունակական կրթություն: Այս ատեստավորումների կարգը որոշվում է կամ կադրային աշխատանքների համար պատասխանատու ոստիկանության ստորաբաժանումը, կամ տվյալ ծառայողը՝ ելնելով աշխատանքի ընդունման ժամանակահատվածից: Եթե ոչյալ ծառայողը աշխատանքի մեջ է ավելի քան վեց ամիս, ապա նա պարտավոր է հաջորդող երեք տարիների ընթացքում անցել վերապատրաստում, ապա ատեստացիա: Իսկ եթե տվյալ ծառայողը նորեկ չէ և արդեն անցել է ատեստավորում, նա կարող է վերաատեստավորման դիմել նախորդ ատեստավորումից միայն երկու տարին

լրանալուց հետո⁷¹: Իսկ արդեն ուսումնական հաստատությունների ցանկը, վերապատրաստումների թեմաները, ընդունելի մասնակիցների թիվը և ժամկետները որոշվում են ըստ վերապատրաստման տարեկան և եռամսյակային պլանների՝ հաստատված ուստիկանության պետի կամ տեղակալի կողմից⁷²: Ուստիկանության թիվ 25/1-530 «*Ընդդեմ կանանց նկատմամբ բռնության կրակիցիա*» ՀԿ նախագահին ուղղված պատասխան նամակի համաձայն, ՆԳՆ Կրթահամալիրում **ուստիկանության ծառայողների կամ ուսանողների համար հատուկ «գենդերազգայունություն» թեմայով դասընթացներ չեն իրականացվել**: Փոխարենը, անցկացվել են մի շարք դասընթացներ, որոնք ներառել են **խտրականության արգելքի և իրավահավասարության թեմաներ (2024)**:

2024 թվականին ուստիկանության վերապատրաստումների շրջանակներում իրականացվել են չորս երկամյա դասընթացներ (տե՛ս Հավելված 4): Այս վերապատրաստումներին մասնակցել են ընդհանուր 93 ուստիկանական ծառայողներ, ովքեր անցել են ատեստավորումը: Ըստ «*Հայաստանի Հանրապետությունում գենդերային քաղաքականության իրականացման 2024-2028 թվականների ռազմավարությունը և միջոցառումների ծրագիրը հաստատելու մասին*» ՀՀ Կառավարության որոշման նախագծի (2024), 2021 թվականին իրականացվել են գենդերային հավասարության վերաբերյալ վերապատրաստումներ Ուստիկանության կրթահամալիրի ուսանողների համար, սակայն դրանց վերաբերյալ տեղեկատվությունը չի նշվել ՆԳՆ թիվ 25/1-530 պատասխան նամակում:

Եզրակացություն

Ընդհանուր առմամբ, գենդերային թեմաները նվազ ընդգրկվածություն

⁷¹ ՀՀ Կառավարություն. (2023). Հրաման N 892-Ն. *ՀՀ կառավարության որոշումը ուստիկանության ծառայողների ատեստավորման կարգը սահմանելու և հի կառավարության 2002 թվականի դեկտեմբերի 19-ի n 2147-Ն որոշումն ուժը կորցրած ճանաչելու մասին*. Վերցված է՝ <http://arlis.am/DocumentView.aspx?docid=178696>

⁷² ՀՀ Կառավարություն. (2003). Հրաման N 174-Ն. *ՀՀ կառավարության որոշումը ուստիկանության ծառայողի վերապատրաստում (որակավորում) անցնելու կարգը և պայմանները հաստատելու մասին*. Գլուխ 2, հոդված 17. Վերցված է՝ <https://www.arlis.am/documentview.aspx?docid=10663>.

ուև են ծրագրերում, իսկ վերապատրաստման ողջ գործընթացը քիչ է կենտրոնանում գենդերազգայուն մեթոդաբանության վրա, ինչը սահմանափակում է ուսուցիչների պատրաստվածությունը՝ դասարաններում խտրականությունը կանխելու և գենդերային հավասարությունը խթանելու հարցում:

Իրավական կարգավորումներում առկա չեզոքությունը, որը սկզբնական փուլում կարող է թվալ որպես խտրականության բացառման նշան, հաճախ բարդություններ է առաջացնում գենդերային հավասարության ամրապնդման և կիրառման հարցում: Խոսույթի և վարքագծի մակարդակում գենդերային հավասարությունը հաճախ ներկայացվում է որպես հարգանքի և ժողովրդավարության դրսևորում, սակայն օրենքի շրջանակներում այն մնում է վերացական և ենթադրելի՝ առանց կոնկրետ իրավական մեխանիզմների, որոնք կկարողանան կյանքի կոչել այս սկզբունքները:

Հայաստանի Հանրապետությունում կրթական համակարգը ներկայումս ընդգրկում է մի շարք ծրագրեր և կարգավորումներ, որոնք ուղղված են ուսուցիչների վերապատրաստմանը և իրավահավասարության հարցերի բարձրացմանը: ՀՀ ԿԳՄՍՆ-ի կողմից հաստատված ուսուցիչների վերապատրաստման ծրագրի շրջանակներում նախատեսված է 9-ժամյա բաժին՝ «Հանրակրթության բնագավառի օրենսդրության» ուսուցում, որտեղ ընդգրկված են գենդերային հավասարության հարցերը⁷³:

Վերջին երեք տարիների ընթացքում *Կրթության զարգացման և նորարարությունների ազգային կենտրոնի* (այսուհետ՝ ԿԶՆԱԿ) կողմից վերապատրաստվել են ավելի քան 37,000 ուսուցիչներ և մանկավարժներ, սակայն վերապատրաստման թեմաները հիմնականում շրջանցել են գենդերային հավասարության և խտրականության բացառման հարցերը: Սա ցույց է տալիս, որ

⁷³ Ըստ «Հանրակրթական հիմնական ծրագրեր իրականացնող ուսումնական հաստատության՝ հերթական ատեստավորման ենթակա ուսուցիչների վերապատրաստման չափորոշիչը և օրինակելի ծրագիրը հաստատելու մասին» (N 02/09.1/16672-2024) հրամանի, վերապատրաստման ծրագիրը ներառում է 9-ժամյա բաժին՝ «Հանրակրթության բնագավառի օրենսդրության» ուսուցում: Միայն այս բաժնում, «արտալսարանային ժամեր/ինքնուրույն» աշխատելու թեմաների ցանկում է նաև «Կանանց և տղամարդկանց իրավահավասարության խնդիրները» թեման, որը այս ուսումնասիրության կենտրոնական խնդիրն էր:

կրթական համակարգում գենդերային հավասարությանը տրամադրված ուշադրությունը չի համապատասխանում միջազգային և ներազգային փաստաթղթերով ստանձնած պարտավորություններին:

Ուսումնական կրթական ծրագրերում, 2023 թվականին հաստատված «Մայրենի», «Հայոց լեզու» և «Գրականություն» առարկաների դասագրքերում, շարունակվում է առկա լինել գենդերային խտրականություն, որը նպաստում է կարծրատիպերի ձևավորմանը և հետագայում հանգեցնում է կանանց և աղջիկների նկատմամբ խտրական վերաբերմունքի: Չնայած այս հետազոտության ընթացքում ԿԳՄՍՆ ուղարկված հարցման պատասխանի (տե՛ս Հավելված 5), որտեղ հստակ նշվում էր. *«2021 թվականի փետրվարի 4-ի N 136-Ն որոշմամբ հաստատված Հանրակրթության պետական նոր չափորոշչով տպագրվող դասագրքերում և դասավանդվող առարկաներում բացառվելու են գենդերային տարրեր մատնանշող բոլոր պարամետրերը»*, իրականությունը մի փոքր այլ է: Դասագրքերը դեռևս լի են նմանատիպ *«գենդերային տարրեր մատնանշող պարագաներով»*: Այս դեպքում բազում հարցեր են առաջանում. եթե պատմական բոլոր կերպարներում միայն տղամարդիկ են ներկայացված, ապա ո՞րն է կնոջ դերը հասարակության մեջ: Ինչպե՞ս են կանայք նպաստել/նպաստելու երկրում տնտեսության զարգացմանը և որո՞նք են այն իրավահավասար փոխհարաբերությունները կանանց և տղամարդկանց միջև, երբ ապագայի տեսլականն այսքան սահմանափակ է աղջիկների համար՝ նույնիսկ տարրական և միջին դասարանի դասագրքերում:

Ուսումնասիրված օրենքներում նշված մարդկային կապիտալը, իրավահավասարությունը, կանանց և տղամարդկանց դերերի կարևորությունն ու առկա կամ բացակա հավասարությունը դառնում են անիրագործելի, երբ չկան օրինակներ, որոնք կոգեշնչեն աղջիկներին դառնալ «հերոսներ» և ցույց կտան տղաներին, որ աշխարհն ու հասարակությունը տղամարդակենտրոն չեն: Ստացվում է, որ իրավական այն պնդումները, թե կանանց և տղամարդկանց իրավունքները հավասար են և որ կանայք նույնպես երկրում տնտեսական զարգացման կարևոր մարդկային ռեսուրս են, դասագրքերում ներկայացվող «քարոզը» այլ պատկեր է ստեղծում, որտեղ ապագան միայն տղամարդիկ են

կերտում: Դասագրքերում ուղղակի կամ անուղղակի խտրականության անկայությունը հանգեցնում է սովորողների և կրթողների մեջ կողմնակալ արժեհամակարգի ձևավորմանը և ամրապնդում է կարծրատիպերը, որոնք հետագայում դառնում են կանանց և աղջիկների նկատմամբ խտրականության հիմք կամ, լավագույն դեպքում, դրա արդարացում՝ հատկապես երբ դասագրքերում կին գրողների ու հրապարակախոսների քանակը և դերը սահմանափակ են:

Չնայած գենդերային հավասարության պահանջներին, շատ կրթական հաստատություններում այդ թեման պատշաճ չի ընդգրկվում կանոնակարգերում՝ ո՛չ պաշտպանության, ո՛չ կանխարգելման, և ո՛չ էլ իրազեկման տեսանկյունից: Որոշ համալսարաններում, ինչպիսիք են ԵՊՅ-ն և ԵՊԲՅ-ն, գործում են ներքին կանոնակարգեր, որոնք նախատեսում են սեռական և ֆիզիկական բռնությունների կանխարգելում և պատշաճ վարքագծի խրախուսում: Սակայն այս կանոնակարգերը հաճախ ներկայացվում են որպես ընդհանուր վարքագծի կանոններ և չեն տրամադրում հստակ մեխանիզմներ, որոնք կկարգավորեն գենդերային հավասարության հարցերը: Սուբյեկտիվ հասկացությունները անհամեմատ շատ են օրենքներում, իրավական ակտերում և ուսումնական փաստաթղթերում, ինչպես օրինակ՝ ԲՊՅ-ի կանոնադրությունում նշված «բարոյական որակներ» զարգացնելու պարտականությունը, որին պետք է հետևի դասավանդողը, սակայն որն անորոշ է թողնում, թե ժամանակի փոփոխությունների պայմաններում ինչ են նշանակում այդ բարոյական նորմերը՝ համեստությունը, թե՞ անհավասարության մասին բարձրաձայնումը:

Գենդերագաղափարությունը որոշակի կարևորություն ունի մանկավարժների վերապատրաստման ծրագրերում, սակայն հիմնականում չի նշվում որպես կոնկրետ նպատակ: Բացի այդ, կրթական հաստատություններում հաճախ բացակայում են համապատասխան կանոնակարգեր և մեխանիզմներ, որոնք կերաշխավորեն գենդերային հավասարությունը և դասախոսական կազմի աշխատավարձերի հավասար քաղաքականությունը: Սա նպաստում է կարծրատիպերի պահպանմանը և խոչընդոտում կանանց ավելի մեծ ներգրավվածությանը որոշումների կայացման գործընթացներում:

Ուսումնասիրված մյուս համալսարաններում նման կանոնադրություններում գենդերային հավասարության պակասից զատ, չեն նշվում հստակ մեխանիզմներ, որոնք կօգնեն պաշտպանել կին աշխատակիցներին սեռական ոտնձգություններից կամ ոչ հավասար աշխատավարձային քաղաքականություններից: Ոչ մի համալսարանական կանոնադրություն չունի աշխատավարձերի կարգավորման մեխանիզմներ, որոնք կկարգավորեն դասախոսական կազմի աշխատավարձերի քաղաքականությունը: Նույն կերպ բացակայում են նաև աշխատանքի ընդունման և աշխատանքից ազատման կանոնակարգեր կամ ուղեցույցներ, որոնք կպաշտպանեն դասախոսներին, այդ թվում նաև գենդերային խտրականությունից: Այն համալսարաններում, որտեղ կան գենդերազգայուն դաշնալույս ուղղված մեխանիզմներ, դեռ առկա է «ապակե առաստաղներ», որոնք խոչընդոտում են կանանց և աղջիկների ներգրավվածությանը: Համալսարանական խորհուրդներում կին դասախոսների ներգրավման ջանքերը բացակայում են, իսկ որոշումները հիմնականում կայացնում են տղամարդիկ, նույնիսկ այն համալսարաններում, որտեղ ուսանողուհիները գերակշռում են: Կանանց ներկայացվածությունն այս ուղղությամբ բացակայում է:

Գենդերազգայունությունը և հավասարությունը կարևոր տեղ են զբաղեցնում նաև մանկավարժների կրթության մեջ՝ կրթական ծրագրերի և վերջնարդյունքների միջոցով՝ արտահայտված տարբեր ներկայացուցչական արժեքների տեսքով, սակայն երբեք որպես «գենդերային հավասարություն»: Դժվար է ասել, արդյոք գենդերային հավասարության «քարոզը» պահպանվում է բուն դասապրոցեսի ընթացքում՝ և՛ ուսուցիչ-աշակերտ, և՛ դասախոս-ուսանող փոխհարաբերություններում, քանի որ այս ուսումնասիրությունը հետաքննական նպատակ չունի և չի ուսումնասիրում օրենքներից և կրթական ծրագրերից դուրս իրականությունը: Դասախոս-ուսանող և ուսուցիչ-աշակերտ փոխհարաբերությունների ու *«թաքնված ուսումնական ծրագրի»* ուսումնասիրությունից է կախված ստեղծված ռեսուրսների, դասագրքերի և մնացած կանոնադրությունների արդյունավետությունը: Այս բոլոր խնդիրները հանգեցնում են նրան, որ գենդերային հավասարության գաղափարներն ու

մեթոդաբանությունը դեռևս բավարար չափով չեն ներդրվել կրթական և հասարակական այլ ոլորտներում, ինչը դժվարացնում է կանանց և աղջիկների նկատմամբ բռնության կանխարգելումն ու պատշաճ արձագանքը: Օրենքները և կրթական համակարգը պետք է շարունակաբար վերանայվեն՝ ապահովելու համար հավասարության ավելի լայն տարածում և խտրականության բացառման գործուն մեխանիզմներ:

Երբ դիտարկում ենք ոստիկանության և առողջապահության ոլորտում գենդերազգայուն վերապատրաստումների հարցը, ապա ներգրավված անձանց քանակի և առկա թեմատիկ վերապատրաստումների ցուցակի հիման վրա կարելի է եզրակացնել, որ գենդերային կրթության հնարավորությունները սահմանափակ են: Մասնավորապես, ՆԳՆ Կրթահամալիրի կրթակարգում ներառված են որոշ դասընթացներ, որոնք կարող են նպաստել մասնագետների՝ կանանց և աղջիկների նկատմամբ բռնության կանխարգելման ունակությունների զարգացմանը: Սակայն առողջապահական ոլորտում նման վերապատրաստումները լիովին բացակայում են: Գենդերազգայնության և հավասարության թիրախային դասընթացների բացակայությունը կարող է խոչընդոտել բուժաշխատողների՝ բռնության ենթարկված կանանց հանդեպ հարգալից և արժանապատիվ վերաբերմունքի ձևավորմանը: Ճնայած պետական չափորոշիչների պահանջին, ամենօրյա բռնության դեպքերը ցույց են տալիս, որ առաջին օղակի մասնագետների աշխատանքը հաճախ չի համապատասխանում սպասելիքների մակարդակին:

Չատկանշական է, որ բոլոր երեք ենթաթեմաների ու ուսումնասիրման առարկաների դեպքում էլ բացակայում էր «գենդեր» հասկացության ուղղակի օգտագործումը: Այն փոխարինված էր տարբեր այլ հասկացություններով՝ օրինակ, «համամարդկային արժեքների զարգացում», «դաստիարակություն», «վարքագծի ձևավորում», «ներառականություն» և այլն: Նմանատիպ հասկացությունները հիմնականում սուբյեկտիվ են, քանի որ հիմնվում են ընթերցողի արժեհամակարգի վրա: Արդյո՞ք ընթերցողը գենդերային հավասարությունը կամ խտրականության բացակայությունը համարում է համամարդկային արժեք, կամ արդյո՞ք կանանց հզորացումը բոլոր ընթերցողների

ընկալման մեջ կրում է նույն դրական նշանակությունը: Ուստի, հավասարության նման անուղղակի հասկացությունների գործածումը օրենքը դարձնում է խոցելի՝ թուլացնելով իրավահավասարության և գենդերային դերերի ընկալման հարցը ցանկացած ընթերցողի մոտ:

Սահմանափակումներ

Չետագոտության հիմնական սահմանափակումներից մեկն այն է, որ կիրառված մեթոդաբանությունը չի ներառում էթնոգրաֆիկ մոտեցում, որը հնարավորություն կտար ավելի խորը ուսումնասիրել կրթական միջավայրում գենդերային անհավասարության դրսևորումները: Չնայած այս մեթոդը կարևոր է կրթական բովանդակությունը հասկանալու համար, այն սահմանափակ է գործնական իրականությունը բացահայտելու տեսանկյունից: Բովանդակային վերլուծությունը չի կարող լիարժեք պատկերացում տալ այն մասին, թե ինչպես են այդ օրենքներն ու ծրագրերը կիրառվում ուսուցիչների կողմից դասարանում կամ լսարանում, ինչպիսին են ուսուցիչների և աշակերտների միջև գործնական հարաբերությունները, կամ ինչպես են կրթական միջավայրի սոցիալական, մշակութային և հոգեբանական գործոնները ազդում նրանց վրա: Օրինակ, հնարավոր է օրենքով պարտադրել գենդերային հավասարություն դպրոցներում, բայց եթե ուսուցիչները չեն ստեղծում հավասարության միջավայր կամ չեն խրախուսում սոցիալական արդարության գաղափարները, ապա այն չի վերածվի գործնական փոփոխության: Այստեղ մեթոդաբանական բազմազանությունը, օրինակ՝ էթնոգրաֆիկ ուսումնասիրությունները, կարող էին արտացոլել ուսուցիչների վարքագիծը և սովորողների հետ հարաբերությունները:

Բացի այդ, բովանդակային վերլուծության մեթոդաբանությունը չի արտացոլում ուսուցիչների կամ դասախոսների անձնական մոտեցումները և համոզմունքները, որոնք կարող են մեծ դեր ունենալ գենդերային հարցերի ընկալման և կիրառման մեջ: Ուսուցիչների գործնական փորձը, վարքագիծը և կրթական միջավայրի սոցիալական կառուցվածքները կարող են էական ազդեցություն ունենալ այն բանի վրա, թե ինչպես են կրթական ծրագրերն ու

քաղաքականությունները գործում, ինչը բովանդակային վերլուծությամբ դժվար է լիարժեք բացահայտել: Եթե դասարաններում ուսուցիչները չեն խթանում հավասարության միջավայրը կամ չեն ձգտում վերացնել մշակութային սահմանափակումները, ապա օրենքներն ու կարգավորումները չեն կարող արդյունավետ լինել: Ուսուցիչների ու աշակերտների միջև հարաբերությունները, սոցիալական նորմերը և հաղորդակցման ձևերը չպետք է սահմանափակվեն միայն ֆորմալ ուսումնական նյութերի և կարգավորումների վերլուծությամբ:

Եվս մեկ կարևոր սահմանափակում է Հայաստանում իրավական բառապաշարի «լրդվածությունը»: Հետազոտության արդյունքները հաճախ կախված են ուսումնառության սուբյեկտների՝ օրենքի վերաբերյալ ունեցած ենթադրություններից և մեկնաբանություններից: Օրինակ, արդյո՞ք ներառականությունը ընդգրկում է գենդերային հավասարությունը, ի՞նչ չափով է իրավահավասարությունը վերաբերում գենդերային հարաբերություններին, թե արդյոք այն ավելի ընդհանրական է՝ ընդգրկելով այլ տեսակի իրավահավասարության խնդիրներ: Նմանատիպ հարցերը հաճախ ծագում են, երբ ուսումնասիրվում են հետազոտության նյութերը, որտեղ ակնհայտ է բանալի բառերի և եզրույթների օգտագործման անորոշությունը: Այս սահմանափակումների ռիսկը նվազեցնելու համար անհրաժեշտ է առաջին հերթին աջակցել գենդերային հավասարության և գենդերազգայունության եզրույթների ներառմանը ՀՀ Սահմանադրության և այլ կարևոր իրավական փաստաթղթերում: Երկրորդ, անհրաժեշտ է հաշվարկել ընթերցողների կողմից իրավական տեքստի հնարավոր բոլոր մեկնաբանությունները:

Մեկ այլ սահմանափակում կապված է առարկայական և դասագրքային վերլուծությունների սահմանափակության հետ: Հետազոտությունը հիմնականում կենտրոնանում է մի քանի առարկաների՝ «Մայրենիի», «Հայոց լեզվի» և «Գրականության» վրա: Չնայած այս առարկաները զգալի ազդեցություն ունեն կրթական համակարգի ձևավորման վրա, գենդերային հավասարության խնդիրը առկա է նաև այլ առարկաներում, ինչպիսիք են մաթեմատիկան, բնագիտությունը, տեխնոլոգիան և հասարակագիտությունը: Գենդերային դրսևորումները հատկապես այս առարկաներում կարող են արտացոլել այն, թե

ինչպես են տարբեր սեռերի աշակերտներին ներկայացվում ապագայի մասնագիտությունները և հասարակական դերերը: Օրինակ, մաթեմատիկայի և բնագիտության դասագրքերում հաճախ քիչ են ներկայացվում կանանց ձեռքբերումները գիտության ոլորտում, ինչը կարող է նվազեցնել աղջիկների մոտ հետաքրքրությունը դեպի գիտական ոլորտներ: Տեխնիկական և բնագիտական առարկաները մեծ դեր ունեն աշխատանքի շուկայում, և դրանց շրջանակներում գենդերային հավասարության բացակայությունը կարող է ստեղծել խոչընդոտներ, որոնք կպահպանեն մասնագիտությունների գենդերային տարանջատումը:

Վերջաբան

Ուսումնասիրության արդյունքում պարզ դարձավ, որ, չնայած կրթական համակարգում գենդերային հավասարության ապահովման ջանքերին, Հայաստանի կրթական ոլորտում առկա են խորը և համակարգային խնդիրներ: Այս խնդիրները դրսևորվում են կրթության տարբեր մակարդակներում՝ սկսած տարրական դպրոցներից մինչև համալսարաններ և շարունակական կրթության ծրագրեր, ինչպես օրինակ ուստիկանական և բուժաշխատողների վերապատրաստումները: Կրթական համակարգի հիմնական խնդիրներից մեկը իրավական և քաղաքական փոփոխությունների ու դրանց գործնական կիրառման միջև առկա բացն է: Թեև մի շարք օրենքներ և կարգավորումներ հստակ սահմանում են գենդերային հավասարության սկզբունքները, այդ նորմերը հաճախ չեն արտացոլվում կրթական բովանդակության և գործընթացների մեջ:

Արդյունքում, դպրոցներում և համալսարաններում դասագրքերն ու ուսումնական ծրագրերը դեռևս արտացոլում են գենդերային անհավասարություն: Դասագրքերում կանանց և տղամարդկանց դերերը հաճախ ներկայացված են կարծրատիպերով՝ կինը հիմնականում հանդես է գալիս տնային աշխատանքների շրջանակում, իսկ տղամարդը՝ հանրային դերակատարի, մասնագիտական ոլորտներում: Այսպիսի դասագրքերը կարող են

սահմանափակել թե՛ աղջիկների, թե՛ տղաների հնարավորությունները՝ նպաստելով գենդերային կարծրատիպերի պահպանմանը:

Որոշ համալսարաններ, ինչպիսիք են ԵՊՅ-ն, ԲՊՅ-ն և «Ջայբուսակ» համալսարանը, ներառում են որոշ կանոնակարգեր, որոնք ուղղված են գենդերային հավասարության ամրապնդմանը: Սակայն նույնիսկ այդ կանոնակարգերում հաճախ բացակայում են հստակ մեխանիզմներ, որոնք կնպաստեն կանանց ներգրավմանը որոշումների կայացման գործընթացներում: Նույնիսկ այն հաստատություններում, որտեղ ուսանողների մեծ մասը կանայք են, որոշումները հիմնականում կայացնում են տղամարդիկ՝ ստեղծելով անորոշություն և ուղղորդման պակաս գենդերային հավասարության իրականացման համար:

Շարունակական կրթության ծրագրերում, ինչպիսիք են բժշկների և ոստիկանների վերապատրաստումները, նույնպես չի ընդգրկվում գենդերազգայունության անհրաժեշտությունը: Բժշկական ոլորտի աշխատակիցների վերապատրաստումները հիմնականում չեն ներառում գենդերային հավասարության և բռնության ենթարկվածների հետ զգայուն շփման ձևերը: Այս պակասը հանգեցնում է նրան, որ առողջապահական ոլորտում մասնագետները բավարար հմտություններ չունեն կանանց և աղջիկների նկատմամբ բռնության դեպքերին պատշաճ արձագանքելու համար:

Չետևաբար, գենդերային հավասարության հասնելու գործընթացը պահանջում է խորքային փոփոխություններ, որոնք պետք է տարածվեն ոչ միայն օրենքների և ֆորմալ կարգավորումների վրա, այլ նաև կրթական միջավայրի մակարդակում:

Առաջարկություններ

Չետևյալ առաջարկությունների ցանկը թիրախավորված է այս ետևափոխության մեկ կամ մի քանի շահագրգիռ կողմերի համար, ուստի, յուրաքանչյուր առաջարկություն հստակեցնում է նաև հասցեատիրոջը:

- **Առաջարկություն 1. ՀՀ ԿԳՄՍՆ-ին**

Այս ուսումնասիրությունը բացահայտեց այն բոլոր մարտահրավերները, որ ԿԳՄՍՆ-ն ունի հանրակրթական դպրոցների պետական դասագրքերի մշակման, ընտրության և հաստատման աշխատանքներում: Ուստի, առաջարկվում է հետևյալ դասագրքերի գեներազգայնության բարձրացման համակարգը և խրախուսվում դրա ինստիտուցիոնալացումը.

Քայլ 1. Դասագրքերի՝ ներառյալ փոքրամասնությունների, ընտրության ընթացակարգի թափանցիկության և մասնակցելիության ապահովում, որպեսզի շահագրքի կողմերը ևս կարողանան առաջարկներով հանդես գալ:

Քայլ 2. Դասագրքերի վերջնական ընտրության չափորոշիչների ուսումնասիրություն և փորձաքննություն:

Քայլ 3. Դասագրքերի ընտրության հանձնաժողովում կամ դասագրքերի հեղինակների հետ աշխատող անձնակազմում մանկավարժահոգեբանական թիմի ներառում:

Քայլ 4. Ընտրված երեք լավագույն հեղինակների գեներազգայնության թեմայով վերապատրաստում, հետվերապատրաստում համապատասխան խնդիրների մատնանշում և ակնկալիքների հստակեցում:

Քայլ 5. Արտաքին փորձագետների կողմից վերջնական ընտրված դասագրքերի գեներալին փորձաքննության կազմակերպում և իրազեկում:

Քայլ 6. Առաջացած գեներալին զգայնության վերաբերյալ խնդիրների հանդեպ հետևողականություն, լուծման քայլերի և ժամկետների հստակեցում:

- **Առաջարկություն 2. ԿԳՄՍՆ-ին**

ԿԳՄՍՆ հարակից կրթական կառույցներին խրախուսել գեներալին զգայնության թեմաներով վերապատրաստումների, դասընթացների և աշխատարանների կազմակերպումը: Ներկայումս նման նախագծերը գրեթե բացակայում են կամ իրականացվում են փոքր/ծրագրային մաշտաբներով, ուստի փոփոխությունն աննշան է: Նախքան վերապատրաստումների կազմակերպումը և՛ վերապատրաստողների, և՛ վերապատրաստվողների համար հստակեցնել, թե որոնք են այն բոլոր թույլատրելի և ոչ թույլատրելի արտահայտությունները/վերաբերմունքը, որոնք կարող են տանել գեներալին

հարաբերությունների դրական/բացասական փոփոխության: Հստակեցնել գենդերային հարաբերությունների միջառարկայությունը:

- **Առաջարկություն 3. ԿԳՄՍՆ-ին**

Բարձրացնել դասագրքերում կին հեղինակների ներկայացվածությունը, եթե ոչ մեկ դասագրքի կամ ժամանակահատվածի համար, ապա գոնե հաշվի նստել հեղինակների հարաբերակցության մեջ ընդհանուր կրթական ծրագրի համեմատականով՝ առաջինից մինչև տասներկուերորդ դասարաններում:

- **Առաջարկություն 4. ԿԳՄՍՆ-ին**

Խրախուսել ՀՀ կրթական բոլոր հաստատություններին իրականացնել մեծ իրազեկման արշավներ, որպեսզի ուսանողների մեծամասնությունը տեղյակ լինեն տվյալ համալսարանի/կրթական հաստատության հստակ կանոնադրության, այլ կանոնակարգերի և որոշումների առկայության վերաբերյալ: Սա իրենից կարող է ներկայացնել համալսարաններում Ուսանողական խորհուրդների և Ուսանողական գիտական միավորումների միջոցով ուսանողների ներքին կանոնակարգերի, իրավունքների պաշտպանության, իրացման, տեղեկացվածության բարձրացմանը: Հավելյալ աշխատանք է անհրաժեշտ տանել դասախոսական կազմի հետ՝ ներկայացնելով ոչ միայն գենդերազգայնության կարևորությունն իրենց առարկաներում և դասավանդման մեջ, այլ նաև գենդերազգայնությունն իրենց իսկ աշխատանքային իրավունքներում: Այս աշխատանքը կարող է նաև վստահվել քաղաքական հասարակության մի շարք անդամների և ներկայացուցիչների, ովքեր կկարողանան իրականացնել վերապատրաստումներ, կարողությունների զարգացման աշխատարաններ, ինչպես նաև քննարկումներ արդեն ավելի զգայուն թեմաներով, ինչպիսիք են սեռական բռնությունն ու խտրականության դրսևորումները համալսարանների տարբեր շերտերում:

- **Առաջարկություն 5. ԱՆ-ին**

Ուսումնասիրությունը ցույց տվեց, որ առողջապահական համակարգի գրեթե ոչ մի շերտում և աստիճանում չի իրականացվում գենդերազգայնության որևէ վերապատրաստում բժշկական անձնակազմի հետ: Ուստի, կարևոր է, որպեսզի հատկապես այն առողջապահական անձնակազմը, որն ունի ամենօրյա շփում

բռնության ենթարկված անձանց, ինչպես նաև բռնարարների հետ, ունենա տվյալ անձանց հետ շփման համապատասխան հմտություններն ու հասկացողությունը: Ուստի, խրախուսվում է իրականացնել բազմահոգեբանական դասընթացներ գենդերային հավասարության, ընտանեկան և սեռական բռնության և այլ հարակից թեմաներով, որպեսզի յուրաքանչյուր բուժանձնակազմի անդամ ունենա բավարար հմտություն և լինի գենդերագալուստ:

- **Առաջարկություն 6. ՔՅԿ-ներին**

Ելնելով այս ուսումնասիրությունից, ՀՀ-ում իրավիճակից, ինչպես նաև ուսումնասիրության շրջանակում կազմակերպված քննարկման արդյունքներից, հույժ կարևոր է գենդերագալուստյան օրակարգայնացումը: Անհրաժեշտ է քաղաքացիական հասարակության միջոցով մի շարք գենդերային հավասարությանը վերաբերող խնդիրներ բերել Հանրային խորհուրդների քննարկման հարթակ: Նույն հարթակներում հետագայում կարելի է նաև կազմակերպել արդեն օրենքներում և իրավական ակտերում լրջված գենդերային բառապաշարի բարելավմանն ուղղված ջատագովության աշխատանքներ:

- **Առաջարկություն 7. ՆԳՆ-ին և ՆԳՆ Կրթահամալիրին**

Քանի որ ՆԳՆ կրթակարգն արդեն դաշտային փուլում արդյունավետությունը հաստատող որևէ հետազոտություն չկա, առաջարկություններից մեկը ՆԳՆ Կրթահամալիրի դասախոսական կազմի գենդերագալուստյան թեմաներով պարբերաբար վերապատրաստումն է, որպեսզի յուրաքանչյուր դասախոս կարողանա տիրապետել և հաջողության փոխանցել այն բոլոր գենդերագալուստ թեմաները, որոնք առաջ են քաշվում արդեն բուն Կրթակարգում: Անհրաժեշտություն կա նաև իրականացնելու ավելի խորը գենդերագալուստյան դասընթացներ արդեն ակտիվ ուստիկանական ծառայողների հետ, որպեսզի իրենց հմտությունների բարելավումը հնարավորություն տա վերականգնելու համայնքներում ուստիկանության աշխատողների հանդեպ ոտնատակյա վստահությունը:

- **Առաջարկություն 8. ՆԳՆ-ին և ԿԳՄՍՆ-ին**

Այս ուսումնասիրության վերջին և ամենակարևոր առաջարկությունը դա այս հետազոտության վալիդացումն է արդեն հաջորդող հետազոտությունների

միջոցով: Տվյալ հետազոտությունն ուսումնասիրում էր օրենքների, իրավական ակտերի և այլ չափելի նյութերի թեմատիկ և բովանդակային արդյունքը, սակայն միայն սա բավարար չէ որևէ ոլորտի աշխատանքի վերաբերյալ վերջնական գնահատական տալու համար: Այս ուսումնասիրությանը պարտադիր պետք է հաջորդի արդեն տարրական, միջնակարգ, ավագ, բարձրագույն կրթական հաստատություններում, ինչպես նաև ՆԳՆ Կրթահամլիրում ավելի դաշտային, էթնոգրաֆիկ հետազոտությունը: Այդ հետազոտություններն արդեն կարող են ուսումնասիրել, թե տեքստերից, օրենքներից և գրականությունից դուրս ինչպես են կազմակերպվում դասաժամերը կրթության յուրաքանչյուր աստիճանում, ինչպիսի բառամերթ, խտրականության և հավասարության օրինակներ, մարտահրավերներ և ուժեղ կողմեր ունեն այս ոլորտները: Առանց էթնոգրաֆիկ հետազոտության, դասաժամը ուսումնական ցանկացած համակարգում կշարունակի մնալ ինչպես «սև խոռոչը»՝ անբացահայտ և անվերլուծելի: Մինչդեռ էթնոգրաֆիկ հետազոտությունը հնարավորություն կտա չափել այս ուսումնասիրության թիրախային նյութերի ազդեցությունը, դրանց հաջողմանը խանգարող մարտահրավերները և նույնիսկ քարտեզագրել հավանական լուծումներ: Նմանատիպ հետազոտությունից հետո արդեն յուրաքանչյուր կրթական հաստատություն կարող է իրականացնել շարունակական մոնիթորինգ և կառավարել մատուցվող գիտելիքի և հմտության որակը:

Գրականության ցանկ

1. ԲՊՐ. (2024). ՊՊՐ ամբիոնի օրինակելի կանոնադրություն: Վերցված է՝ <https://brusov.am/website/documentation/files/2d43f7ac.pdf>
2. Համալսարանական խորհուրդ. (2022). «Հայթուսակ» համալսարանի Էթիկայի կանոնագիրք: Վերցված է՝ https://haybusak.am/wp-content/uploads/2023/07/R01-YHU-Code_of_Ethics-EN.pdf
3. Գալստյան, Ա., & Թովմասյան, Թ. (2023). *Մայրենի 5*. Էդիտ Պրինտ հրատարակչություն: Վերցված է՝ <https://lib.armedu.am/article/15291>
4. Giroux, H. A. (1978). Developing educational programs: Overcoming the hidden curriculum. *The Clearing House*, 52(4), 148–151. <http://www.jstor.org/stable/30185121>
5. Guest, G., MacQueen, K. M., & Namey, E. E. (2012). *Applied thematic analysis*. SAGE Publications.
6. ԵՊՐ. (2023). ԵՊՐ կանոնադրություն: Վերցված է՝ http://documentation.yzu.am/wp-content/uploads/2023/02/University_Charter-2023_02_13.pdf
7. ԵՊՐ. (2021). ԵՊՐ Բարեվարքության կանոնակարգ: Վերցված է՝ <http://documentation.yzu.am/wp-content/uploads/2021/12/Ethics-code.pdf>
8. Economist Intelligence Unit (EIU). (2023). *Democracy Index 2023: Age of conflict*. Retrieved from https://pages.eiu.com/rs/753-RIQ-438/images/Democracy-Index-2023-Final-report.pdf?version=0&mkt_tok=NzUzLVJJUS00MzgAAAGVcBs16jJlK3xXKDNyECz60d4tiNqNgZGgmysK_JrarIse2EnxtYg7OxYymLplSu93EakB_h_OwpJ1L5FYvVYJ9nve-CCHiP9UmZs6fOM-Mo-N1q
9. European Institute for Gender Equality (EIGE). (n.d.). *Gender neutral vocabulary*. Retrieved from https://eige.europa.eu/publications-resources/thesaurus/terms/1321?language_content_entity=en
10. Council of Europe. (2011). *Council of Europe Convention on preventing and combating violence against women and domestic violence (CETS No. 210)*. Retrieved from <https://www.coe.int/en/web/conventions/full-list?module=treaty-detail&treatynum=210>
11. ԵՊԲՀ. (2021). ՊԲՀ կանոնադրություն: Վերցված է՝ <https://ysmu.am/v2/wp-content/uploads/2023/04/9e4a25d0.pdf>
12. Խաչատրյան, Ն., Գրիգորյան, Ն., & Սերոբյան, Ա. (2016). Աջակցություն, թե՞ կանխում. ՀՀ բարձրագույն կրթական համակարգում կանանց ակադեմիական կարիերայի կառուցման սոցիալ-մշակութային գործոնները:

ԵՊՅ Հրատարակչություն, 107–129. Վերցված է՝
<http://publishing.y-su.am/files/Gender-2016.pdf>

13. Ճատուրյան, Ռ. (2013). Գեղեցիկ խնդիրները մանկավարժական (դասախոսների, ուսուցիչների և ապագա մանկավարժ ուսանողների) միջավայրում: *Բաց հասարակության հիմնադրամներ – Հայաստան*:
14. Committee on the Elimination of Discrimination Against Women. (1993). *General recommendation No. 19: Violence against women*. United Nations. Retrieved from
https://tbinternet.ohchr.org/_layouts/15/treatybodyexternal/TBSearch.aspx?Lang=en&TreatyID=3&DocTypeID=11
15. ՀՀ Ազգային ժողով. (2013). «Կանանց և տղամարդկանց իրավունքների և հավասար հնարավորությունների ապահովման մասին» օրենք. Retrieved from <https://www.arlis.am/DocumentView.aspx?docID=83841>
16. United Nations General Assembly. (2015). *Transforming our world: The 2030 Agenda for Sustainable Development*. Retrieved from
<https://sustainabledevelopment.un.org/content/documents/21252030%20Agenda%20for%20Sustainable%20Development%20web.pdf>
17. Council of Europe. (2018). *Council of Europe Convention on Preventing and Combating Violence Against Women and Domestic Violence (CETS No. 210)*. Retrieved from <https://www.coe.int/en/web/conventions/full-list?module=treaty-detail&treaty-num=210>
18. Կրթության զարգացման և նորարարությունների ազգային կենտրոն (ԿԶՆԱԿ). (2021–2023). *Ուսուցիչների վերապատրաստումների ցուցակ*. ՀՀ ԿԳՄՍՆ.
19. Krippendorff, K. (2004). *Content analysis: An introduction to its methodology*. Sage Publications.
20. European Union & Republic of Armenia. (2017). *Comprehensive and Enhanced Partnership Agreement (CEPA)*. Retrieved from
https://www.mfa.am/filemanager/eu/CEPA_ENG_1.pdf
21. ՅՕ-297. (1999). «ՀՀ Կրթության մասին» օրենք. Վերցված է՝
<https://www.arlis.am/DocumentView.aspx?docid=155043>
22. ՅՕ-57-Ն. (2023). ՀՀ Օրենքը կանանց և տղամարդկանց հավասար իրավունքների և հավասար հնարավորությունների ապահովման մասին. Վերցված է՝
<https://www.arlis.am/DocumentView.aspx?DocID=83841>
23. ՅՕ-62. (2005). «Բարձրագույն և հետբուհական կրթության մասին» օրենք. Վերցված է՝ <https://www.arlis.am/documentview.aspx?docid=25820>
24. ՅՕ-164-Ն. (2005). «Նախնական մասնագիտական և միջին մասնագիտական կրթության մասին» օրենք. Վերցված է՝
<https://www.arlis.am/documentview.aspx?docID=68301>

25. ՅՕ-160-Ն. (2009). «Չանրակրթության մասին» օրենք. Վերցված է՝ <https://www.arlis.am/documentview.aspx?docid=71908>
26. ՀՀ ԿԳՄՍՆ. (2022). *Հրաման N 20. Չանրակրթական առարկաների դասագրքերի և ուսումնասովանողական գրականության ստեղծման, հրատարակման և պետական չափորոշիչին համապատասխանության գնահատման հանձնաժողովների ձևավորման կարգը սահմանելու մասին*. Վերցված է՝ <https://www.arlis.am/DocumentView.aspx?docid=164226>
27. ՀՀ ԿԳՄՍՆ. (2023). *Հրաման N 80-Ն. Չանրակրթական ուսումնական հաստատությունների 3-րդ և 6-րդ դասարանների «Մայրենի», 8-րդ և 11-րդ դասարանների «Չայոց լեզու», 8-րդ դասարանի «Գրականություն», 11-րդ դասարանի «Չայ գրականություն» առարկաների ծրագրերը հաստատելու մասին*. Վերցված է՝ <https://www.arlis.am/DocumentView.aspx?docid=179947>
28. ՀՀ ԿԳՄՍՆ. (2023). *Հրաման N 12-Ն. ՀՀ ԿԳՄՍ նախարարի 2022 թվականի նոյեմբերի 24-ի N 65-Ն հրամանում փոփոխություն կատարելու մասին*. Վերցված է՝ <https://www.arlis.am/DocumentView.aspx?docid=175582>
29. ՅՕ-441-Ն. (2022). «ՀՀ կրթության մինչև 2030 թվականի զարգացման պետական ծրագիրը» հաստատելու մասին. Վերցված է՝ <https://www.irtek.am/views/act.aspx?aid=156043>
30. ՀՀ Կառավարություն. (2024). «Չայաստանի Չանրապետությունում գենդերային քաղաքականության իրականացման 2024-2028 թվականների ռազմավարությունը և միջոցառումների խրագիրը հաստատելու մասին» ՀՀ Կառավարության որոշման նախագիծ. Վերցված է՝ <https://www.e-draft.am/projects/6821/about>
31. ՀՀ ԿԳՄՍՆ. (2023). *Հրաման N 44-Ն. Չանրակրթական ուսումնական հաստատություններում «Մայրենի» 1–6-րդ, «Չայոց լեզու» 7–12-րդ, «Գրականություն» 7–9-րդ և «Չայ գրականություն» 10–12-րդ դասարանների առարկայական չափորոշիչը հաստատելու մասին*.
32. ՀՊՄՀ. (2022). *ՀՊՄՀ կանոնադրություն*. Վերցված է՝ https://aspu.am/website/images/files/HPMH%20UG_kanonadrutyun.pdf
33. ՀՀ ԿԳՄՍՆ. (n.d.). *Հրաման N 1162-Ա/2. Չերթական ատեստավորման ենթակա ուսուցիչների վերապատրաստման չափորոշիչ և օրինակելի ծրագիր*.
34. ՀՀ ԿԳՄՍՆ. (n.d.). *Հրաման N 380-Ն՝ Չավելված. Միջին մասնագիտական կրթության 1032.01.5 «Ոստիկանական գործ» մասնագիտության 1032.01.5 «Ոստիկանական սպա» որակավորման պետական կրթական չափորոշիչ*.
35. ՀՀ Կառավարություն. (2003). *Հրաման N 174-Ն. ՀՀ կառավարության որոշումը ոստիկանության ծառայողի վերապատրաստում (որակավորում)*

- անցնելու կարգը և պայմանները հաստատելու մասին*. Վերցված է՝ <https://www.arlis.am/documentview.aspx?docid=10663>
36. ՀՀ Կառավարություն. (2021). *Հրաման N 136-Ն. Հայաստանի պետական չափորոշիչի հաստատման կարգ*. Վերցված է՝ <https://www.arlis.am/DocumentView.aspx?docid=149788>
37. ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ». (2022–2024). *ԾՄՁ Կրեդիտավորված միջոցառումների ցանկ և հակիրճ նկարագրեր*. Վերցված է՝ <https://nih.am/am/publications>
38. ՀՕ-42. (1996). «ՀՀ օրենքը բնակչության բժշկական օգնության և սպասարկման մասին». Վերցված է՝ <https://www.arlis.am/documentview.aspx?docID=104958>
39. Մեյթիխանյան, Փ. (2023). *Հայոց լեզու 7*. «Աստղիկ գրատուն» հրատարակչություն. Վերցված է՝ <https://online.fliphtml5.com/fumf/zehx/#p=2>
40. Naeem, M., Ozuem, W., Howell, K., & Ranfagni, S. (2023). A step-by-step process of thematic analysis to develop a conceptual model in qualitative research. *International Journal of Qualitative Methods, 22*. <https://doi.org/10.1177/16094069231205789>
41. Neuendorf, K. A. (2019). *Content analysis and thematic analysis*. In P. Brough (Ed.), *Advanced research methods for applied psychology* (pp. 211–223). Routledge.
42. Նիկողոսյան, Ա., & Վարդանյան, . (2023). *Գրականություն 7*. «Անտարես» հրատարակչություն. Վերցված է՝ <https://online.fliphtml5.com/fumf/ocva/#p=2>
43. ՆԳՆ. (2024). *ՆԳՆ Կրթահամալիրի կրթական ծրագիր և առարկայական ուսումնական ծրագրեր*.
44. ՆԳՆ. (2024). *ՆԳՆ Կրթահամալիրի առարկայական նկարագրեր*.
45. ՀՀ Կառավարություն. (2004). *Որոշում N20. Հանրակրթության պետական կրթակարգի մասին օրենք*. Վերցված է՝ <https://www.irtek.am/views/act.aspx?aid=25829>
46. ՀՀ Կառավարություն. (n.d.). *Որոշում N2300-Լ, ՀՀ Կառավարության 2023 թվականի Նոյեմբերի 18-ի N-1902-Լ որոշման մեջ փոփոխություններ կատարելու մասին*. Վերցված է՝ <https://www.arlis.am/DocumentView.aspx?DocID=176068>
47. Pervaiz, Z., Akram, S., Ahmad Jan, S., & Chaudhary, A. R. (2023). Is gender equality conducive to economic growth of developing countries? *Cogent Social Sciences, 9*(2). <https://doi.org/10.1080/23311886.2023.2243713>
48. Jnanathapaswi, S. G. (2020). Learning for pacifism: An anthology of the why, what & how of peace education. *International Journal of Exclusive Global Research, 5*(3).

49. Jnanathapaswi, S. (2021). *Thematic analysis & coding: An overview of the qualitative paradigm*.
50. Silova, I. (2016). *Gender analysis of Armenian school curriculum and textbooks*. The World Bank.
51. Սարգսյան, Ա. Վ., Ջիլավյան, Ե., & ալլոբ. (2023). *Մայրենի 2*. «Բվանտ Վարժարան» հրատարակչություն. Վերցված է՝ <https://lib.amedu.am/article/15288>
52. UN General Assembly. (1948). *Resolution 217: Universal Declaration of Human Rights (UDHR)*. United Nations. <https://www.un.org/en/about-us/universal-declaration-of-human-rights>
53. UN General Assembly. (2015). *The 2030 Agenda for Sustainable Development*. United Nations. <https://sdgs.un.org/goals#history>
54. United Nations. (1995). *Beijing Declaration and Platform for Action: Fourth World Conference on Women*. United Nations. Retrieved from https://www.un.org/en/events/pastevents/pdfs/Beijing_Declaration_and_Platform_for_Action.pdf
55. Unterhalter, E. (2012). Mutable meanings: Gender equality in education and international rights frameworks. *The Equal Rights Review, 8*. Retrieved from https://www.equalrightstrust.org/ertdocumentbank/ERR8_Elaine_Unterhalter.pdf
56. Ուիլս, Է., Գասպարյան, Ա., & Մաթոսյան, Ա. (2018). *Ոստիկանության արձագանքը Հայաստանում կանանց նկատմամբ բռնությանը և ընտանեկան բռնությանը: Գործնական ձեռնարկ Հայաստանի ոստիկանության համար*. Եվրոպայի խորհուրդ. Վերցված է՝ <https://rm.coe.int/coe-police-response-to-vaw-and-dv-in-armenia-handbook-arm-14-12-2018-2/pdf/1680af8171>

Հավելվածներ

Հավելված 1. Ուսումնասիրված օրենքներն՝ ըստ ենթաթեմաների

Ուսումնասիրության ենթաբաժին	Օգտագործված օրենքներ և հարակից իրավական ակտեր, դասագրքեր
<p>Հայաստանի դպրոցներում ոչ խտրական բովանդակության և դասավանդման պրակտիկայի կանոնակարգման պահանջները</p>	<ul style="list-style-type: none"> • ՀՕ-297՝ ՀՀ Կրթության մասին օրենք • ՀՕ-160՝ Հանրակրթության մասին օրենք • ՀՕ-164՝ Նախնական մասնագիտական և միջին մասնագիտական կրթության մասին օրենք • ՀՕ-62՝ Բարձրագույն և հետբուհական կրթության մասին օրենք • N136–Ն՝ Հայաստանի պետական չափորոշիչի հաստատման կարգ • Հրաման N 20՝ Հանրակրթական առարկաների դասագրքերի և ուսումնաօժանդակ գրականության ստեղծման, հրատարակման և հանրակրթության պետական չափորոշիչն դրանց համապատասխանության գնահատման առարկայական հանձնաժողովների ձևավորման կարգը սահմանելու մասին • Որոշում N20՝ Հանրակրթության պետական կրթակարգի մասին օրենք • Հրաման N44՝ Հանրակրթության պետական չափորոշիչներ • Հրաման N80՝ Հանրակրթության պետական չափորոշիչներ • Հրաման N65՝ Հանրակրթական ուսումնական հաստատությունների 2-րդ և

5-րդ դասարանների «Մայրենի», 7-րդ և 10-րդ դասարանների «Հայոց լեզու», 7-րդ դասարանի «Գրականություն», 10-րդ դասարանի «Հայ գրականություն» առարկաների ծրագրերը հաստատելու մասին

- Որոշում N351-Լ՝ ՀՀ կառավարության որոշումը «ՀՀ կրթության մինչև 2030 թվականի զարգացման պետական ծրագիրը հաստատելու մասին» օրենքից բխող գործողությունների ծրագիրը հաստատելու մասին
- ՀՕ-441-Ն՝ ՀՀ Օրենքը «ՀՀ կրթության մինչև 2030 թվականի զարգացման պետական ծրագիրը» հաստատելու մասին
- «Հայաստանի Հանրապետությունում գենդերային քաղաքականության իրականացման 2024-2028 թվականների ռազմավարությունը և միջոցառումների խորագիրը հաստատելու մասին» ՀՀ Կառավարության նախագիծ
- Սարգսյան, Վ. Ա., Թորոսյան, Կ., Գրիգորյան, Ս., և Խաչատրյան, Յ. (2010) «Մայրենի 2. առաջին և երկրորդ մաս». Մանսար հրատարակչություն
- Բարսեղյան, Յ., Մեյթիխանյան, Փ., (2016). «Հայոց լեզու». Աստղիկ հրատարակչություն
- Նիկողոսյան, Ա., Վարդանյան, Ա. (2023). «Հայ գրականություն 7». Անտարես հրատարակչություն
- Հրաման N12-Ն՝ Հանրակրթական ուսումնական հաստատությունների «Մայրենի» 5-րդ դասարանի լրամշակված ծրագիր

<p>Գեներային զգայունության արտացոլումը հայաստանյան բուհերում՝ մանկավարժների մասնագիտության բակալավրիատի և մագիստրատուրայի բաժիններում</p>	<ul style="list-style-type: none"> • ՅՕ-297՝ ՀՀ Կրթության մասին օրենք • ՅՕ-62՝ Բարձրագույն և հետբուհական կրթության մասին օրենք • ՅՕ-164՝ Նախնական մասնագիտական և միջին մասնագիտական կրթության մասին օրենք • N 136-Ն՝ Հայաստանի պետական չափորոշիչի հաստատման կարգ • ՅՕ-160՝ Հանրակրթության մասին օրենք • Երևանի պետական համալսարանի (ԵՊՀ) կանոնադրություն • ԵՊՀ Բարեվարքության կանոնակարգ • ԵՊՀ Էթիկայի կանոնակարգ • Հայաստանի պետական մանկավարժական համալսարանի (ՀՊՄՀ) կանոնադրություն • Բժշկական պետական համալսարանի (ԲՊՀ) կանոնադրություն • «Հայբուսակ» համալսարանի կանոնակարգեր • ՊԲՀ կանոնադրություն • ՀՊՄՀ ուսուցիչների/մանկավարժների համար նախատեսված ուսումնական ծրագիր/եր ուսուցիչների բոլոր մասնագիտությունների համար՝ թվով 16 մասնագիտական ծրագիր • Որոշում N351-Լ՝ ՀՀ կառավարության որոշումը «ՀՀ կրթության մինչև 2030 թվականի զարգացման պետական ծրագիրը հաստատելու մասին» օրենքից բխող գործողությունների ծրագիրը հաստատելու մասին • ՅՕ-441-Ն՝ ՀՀ Օրենքը ««ՀՀ կրթության մինչև 2030 թվականի զարգացման
---	---

	<p>պետական ծրագիրը» հաստատելու մասին</p> <ul style="list-style-type: none"> • «Հայաստանի Հանրապետությունում գեոէներային քաղաքականության իրականացման 2024-2028 թվականների ռազմավարությունը և միջոցառումների խրագիրը հաստատելու մասին» ՀՀ Կառավարության նախագիծ • ԿԳՄՍՆ ուսուցչական և վարչական կազմի վերապատրաստման ծրագիր • ՀՀ ԿԳՄՍ նախարարության և ԿՁՆԱԿ հիմնադրամի կողմից կազմակերպվող ուսուցչական կազմի վերապատրաստումների տարեկան ծրագիր
<p>Կանանց (աղջիկների) նկատմամբ բռնության և ընտանեկան բռնության կանխարգելման և արձագանքման ողջ գործընթացում առնչվող մասնագետների աշխատանքային վերապատրաստման նյութերը և դրանց հիմքում ընկած նորմատիվ իրավական կարգավորումները</p>	<ul style="list-style-type: none"> • «Հայաստանի Հանրապետությունում գեոէներային քաղաքականության իրականացման 2024-2028 թվականների ռազմավարությունը և միջոցառումների խրագիրը հաստատելու մասին» ՀՀ Կառավարության նախագիծ • Որոշում N136-Ն` Հայաստանի պետական չափորոշիչի հաստատման կարգ • Որոշում N2300-Լ` 2021-2026 թթ. Գործունեության միջոցառումների ծրագրի Աշխատանքի և սոցիալական հարցերի և Ներքին գործերի նախարարության Միջոցառումների ցանկ • ՀՕ-441` «ՀՀ կրթության մինչև 2030 թվականի զարգացման պետական ծրագրի» օրենք • Հրաման N-174` ՀՀ կառավարության որոշումը ոստիկանության ծառայողի վերապատրաստում (որակավորում) անցնելու կարգը և պայմանները

	<p>հաստատելու մասին (ինչպես նաև հարակից փոփոխություններ) և Ոստիկանության ծառայողի վերապատրաստում (որակավորում) անցնելու կարգը և պայմանները՝ ըստ հրաման N174-ի</p> <ul style="list-style-type: none">• ՀՀ ՆԳՆ Կրթահամալրի Վերապատրաստման և ատեստավորման 2023-2024 թվականի ցանկ և մասնակիցների թիվ• ՀՀ ՆԳՆ Կրթահամալրի Կրթական ծրագիր և առարկայական ուսումնական ծրագրեր• ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ի ՇՄՁ Կրեդիտավորված միջոցառումների ցանկ և հակիրճ նկարագրեր• ՀՕ-42՝ «ՀՀ Օրենքը բնակչության բժշկական օգնության և սպասարկման մասին»• ՀՀ Կառավարություն, Հրաման N 380-Ն՝ ՀՀ Կրթության և գիտության նախարարի 2010 թվականի դեկտեմբերի 27-ի N 1740-Ն հրամանն ուժը կորցրած ճանաչելու և միջին մասնագիտական կրթության 1032.01.5 «Ոստիկանական գործ» մասնագիտության 1032.01.01.5 «ոստիկանության սպա» որակավորման պետական կրթական չափորոշիչը հաստատելու մասին
--	---

Հավելված 2. Ուսումնասիրության կողերն ու թեմաները

Ուսումնասիրության վերնագիր	Աղբյուր	Կառուցված կողեր ⁷⁴	Թեմա
Հայաստանի դպրոցներում ոչ խտրական բովանդակության և դասավանդման պրակտիկայի կանոնակարգման պահանջները	Օրենքներ և իրավական ակտեր	Անհատ	<ul style="list-style-type: none"> ➤ Վարվելակերպ և ինքնարտահայտում
		Հոգեբանություն	
		Համոզմունքներ	<ul style="list-style-type: none"> ➤ Ներառականություն
		Ներառականություն	
		Խտրականություն	
		Հանդուրժողականություն	
		Արժեք, արժեքհամակարգ	<ul style="list-style-type: none"> ➤ Համամարդկային արժեհամակարգային կրթություն ➤ Իրավահավասարություն
		Ընտանիք	
		Համամարդկայնություն	
		Առանձնահատկություններ	
		Փոխ-հարաբերություններ	<ul style="list-style-type: none"> ➤ Գենդերային հարաբերությունների ներկայացումն օրենքներում

⁷⁴ Բոլոր բանալի բառերն օգտագործվել են իրենք հիղովներով և այլ հանդիպող ձևերով, օրինակ. «հանդուրժողականություն» բանալի բառի ներքո նաև դիտարկվել է «հանդուրժող» տարբերակը:

		կին	➤ Գենդերային դերեր
		տղամարդ	
	Դատագրեր	Ընտանեկան և առօրեական իրավիճակային պատկերներ	<ul style="list-style-type: none"> ➤ Գենդերային դերեր ➤ Գենդերային բնութագրիչներ ➤ Ոգեշնչում և օրինակելիություն
		Կին	
		Տղամարդ	
Կնոջ/տղամարդու, աղջկա/տղայի պատկերներ			
Գենդերային զգայունության արտացոլում մը հայաստանյան բուհերում՝ մանկավարժների մասնագիտության բակալավրիատի և	Օրենքներ և իրավական ակտեր	Իրավահավասարություն	➤ Իրավահավասարություն/հավասարություն
		Ջավասարություն	
		Գենդերային հավասարություն	
		Վարքագիծ	➤ Բարեվարքություն համալսարանների, կրթական հաստատությունների և ընդհանրապես կրթության շահակիրների միջև
		Դաստիարակություն	
		Ջարգանք	
		Բարեվարքություն	
		Ջամարդկայնություն	
		Ներառականություն	
		Բարոյականություն	
		Արդարացիություն	

<p>Կանանց (աղջիկների) նկատմամբ բռնության և ընտանեկան բռնության կանխարգելման և արձագանքման ողջ գործընթացում առնչվող մասնագետների աշխատանքային վերապատրաստման նյութերը և դրանց հիմքում</p>	Թրաֆիքինգ	<p>➤ Բռնության դրսևորումների նշմարում և կանխարգելմանն ուղղված բովանդակություն</p> <p>➤ Իրավահավասարության ընկալմանն ու գործածմանն ուղղված բովանդակություն</p> <p>➤ Բարեվարքության և բարոյական վերաբերմունքի համակարգայնացմանն ուղղված բովանդակություն</p> <p>➤ Համընդհանուր վերապատրաստման և շարունակական կրթության բովանդակություն:</p>
	Խոշտանգումներ	
	Բռնություն	
	Պաշտպանություն	
	Կանխարգելում	
	Իրավունք/ներ	
	Ազատություններ	
	Հավասարություն-իրավահավասարություն	
	Միջանձնային հարաբերություններ	
	Բարեվարքություն	
	Էթիկա	
	Բարոյականություն/ բարոյական	
	Լիազորություններ	
	Վերապատրաստում	
Մասնագիտական աճ		

Չավելված 3. ՀՊՄՀ-ի կրթական ծրագրի բակալավրիատի և մագիստրատուրայի ուսումնական բաժնում գեղեցիկագայնության ձգտող կետեր

ՈՒՍՈՒՄՆԱԿԱՆ ԲԱԺՆԻ ԱՆՎԱՆՈՒՄ

ՀԱՐԱԿԻՑ ԾՐԱԳՐԱՅԻՆ ՆՊԱՏԱԿՆԵՐ

<p>ԲԿԾ ՀԱՍԱՐԱԿԱԳԻՏՈՒԹՅՈՒՆ</p>	<p>Ա3. Ներկայացնում է անձին որպես մանկավարժական գործընթացի սուբյեկտ, նրա հոգեբանամանկավարժական, տարիքային-անհատական առանձնահատկությունները, սոցիալականացման օրինաչափությունները, այդ գործընթացի վրա ազդող ներքին (հոգեբանական) և արտաքին (ազգային, համամարդկային, սոցիալ-մշակութային, տնտեսական, քաղաքական, աշխարհագրական) գործոնները:</p> <p>Ա6. նկարագրել մարդու իրավունքներն ու պարտականությունները, մարդու և հասարակության, մարդու և շրջակա միջավայրի հարաբերությունները կարգավորող վարվեցողության կանոնները և իրավական նորմերը բնագավառներից:</p> <p>Գ5. Կրել պատասխանատվություն և ազգային և համամարդկային արժեքների պահպանման և ներկայացման համար:</p>
<p>ԲԿԾ ԿԵՆՍԱԲԱՆՈՒԹՅՈՒՆ</p>	<p>Ա3. Վերլուծել աշակերտակենտրոն ուսուցման սկզբունքները (այդ թվում ներառական), սովորողների տարիքային-հոգեբանական առանձնահատկությունները, հիմնավորել կենսաբանական գիտելիքների դերը սովորողի առողջ և անվտանգ ապրելակերպի, Էկոլոգիական մշակույթի ձևավորման, ազգային և համամարդկային արժեքների դաստիարակման գործում,</p>

ԲԿԾ ԶԻՄԻԱ

պարզաբանել կյանքի կազմավորման մակարդակները, օրգանական աշխարհի տարբեր ներկայացուցիչների աշխարհագրական տարածման առանձնահատկությունները, տնտեսական նշանակությունն ու պահպանության հիմնախնդիրները:

Ա5. Պարզաբանել ՅՅ կրթության քաղաքականությունը, կրթության բովանդակությունն արտահայտող փաստաթղթերը (կրթական չափորոշիչներ, ուսումնական պլաններ և ծրագրեր), հանրակրթական դպրոցում մանկավարժական և աշակերտական կոլեկտիվի հետ աշխատելու էթիկական նորմերը:

Ա2 Մեկնաբանել քիմիայի և բնագիտության մյուս ճյուղերի հիմնական տեսական դրույթները և դրանց ընդհանրական կապը, քիմիական և

մանկավարժական տեսությունների զարգացման պատմությունը, կրթության հիմնական հասկացությունները, հայեցակարգերը, կրթական համակարգերի զարգացման փուլերը, ուսուցման կազմակերպման ձևերը (այդ թվում նաև ներառական), կրթության որակի չափորոշիչները:

Ա4 Ներկայացնել քիմիական խնդիրների լուծման տեսական և փորձարարական ուղիները՝ ուսումնական և հետազոտական նպատակով խնդիրներ առաջադրելիս, մարդու իրավունքներն ու պարտականությունները, մարդու և հասարակության, մարդու և շրջակա միջավայրի

հարաբերությունները կարգավորող վարվեցողության կանոնները և իրավական նորմերը:

ԲԿԾ ԻՆՖՈՐՄԱՏԻԿԱ

Ա2. Ներկայացնել անձին որպես մանկավարժական գործընթացի սուբյեկտ, նրա

հոգեբանամանկավարժական,
տարիքային - անհատական
առանձնահատկությունները,
սոցիալականացման
օրինաչափությունները, այդ
գործընթացի վրա ազդող ներքին
(հոգեբանական) և արտաքին (ազգային,
համամարդկային, սոցիալ -
մշակութային, տնտեսական)
գործոնները:

Գ3. Կրել պատասխանատվություն
սեփական անձի առողջության, ազգային
և համամարդկային արժեքների
պահպանման և ներկայացման համար:

ՄԿԾ ԻՆՖՈՐՄԱՏԻԿԱ

Ա1. Ներկայացնել կրթության
առաքելությունն ու փիլիսոփայությունը,
կրթության սոցիալ-մանկավարժական
խնդիրները, համագործակցային և
ստեղծագործական կրթական
միջավայրի դերը՝ կանխատեսելով
կրթության զարգացման
ուղղությունները և առաջացած
խնդիրների լուծման
հնարավորությունները, ինչպես նաև
քննարկել ինֆորմատիկայի և նրան
առնչվող գիտակարգերի առաջանցիկ
ձեռքբերումները, մարտահրավերները,
հարացույցերը, կրթության համակարգի
զարգացման ազգային,
համամարդկային համատեքստերում,
ժամանակակից մանկավարժական և
մասնագիտական գործունեության
կազմակերպման իրավական հենքը:

Ա2. Մեկնաբանել մանկավարժական
գործընթացը՝ հաշվի առնելով
ժամանակակից սոցիալ-մշակութային
զարգացումների համատեքստում
աշակերտների և մեծահասակների
տարիքային,
հոգեբանամանկավարժական,
սոցիալականացման
օրինաչափությունները, զարգացման
առանձնահատկությունները և նրանց
հետ աշխատելու եթողներն ու

	տեխնոլոգիաները:
ԲԿԾ ՅԱՅՈՑ ԼԵՁՈՒ	<p>Ա5. մասնագիտական գործունեությունն իրացնելիս հաշվի առնի աշակերտների տարիքային, հոգեբանական և մտավոր զարգացման առանձնահատկությունները:</p> <p>Նպատակ՝ հմտություններ, հաղորդակցական կարողություններ, հոգեբանամանկավարժական հմտությունների ձևավորում՝ իրադրային, խմբային և միջանձնային ուղղորդման մոդելներով, ազգային և օտար իրողությունների, իրույթների և արժեհամակարգերի նպատակային զուգադրում՝ լեզվի, մշակույթի, հասարակական կյանքի և գիտության ոլորտներում:</p>
ՄԿԾ ՅԱՅՈՑ ԼԵՁՈՒ	Ոչ մի իրավունքահենք կամ գենդերազգայուն կետ
ԲԿԾ ՄԱԹԵՄԱՏԻԿԱ	<p>Ա2. Ներկայացնել անձին որպես մանկավարժական գործընթացի սուբյեկտ, նրա հոգեբանամանկավարժական, տարիքային-անհատական առանձնահատկությունները, սոցիալականացման օրինաչափությունները, այդ գործընթացի վրա ազդող ներքին (հոգեբանական) և արտաքին (ազգային, համամարդկային, սոցիալ-մշակութային, տնտեսական) գործոնները:</p> <p>Բ2. Կիրառել ժամանակակից մանկավարժական տեխնոլոգիաներ, ուսուցման արդյունավետ ռազմավարություններ և մեթոդներ՝ կազմակերպելով մանկավարժական գործընթաց համընդհանուր ներառականության պայմաններում:</p>
ՄԿԾ ՄԱԹԵՄԱՏԻԿԱ	Ա2. Մեկնաբանել մանկավարժական գործընթացը՝ հաշվի առնելով ժամանակակից սոցիալ-մշակութային

զարգացումների համատեքստում, աշակերտների և մեծահասակների տարիքային, հոգեբանամանկավարժական, շոցիալականացման օրինաչափությունները, զարգացման առանձնահատկությունները և նրանց հետ աշխատելու մեթոդներն ու տեխնոլոգիաները:

ՄԿԾ ՔԻՄԻԱ

Ա1. Ցուցաբերել քիմիայի ոլորտում խորը մասնագիտական գիտելիքներ, մանկավարժության նորագույն ձեռքբերումների, մանկավարժական գործունեության կազմակերպման իրավական հենքի իմացության, կրթության համակարգի զարգացման ազգային, համամարդկային համատեքստերում՝ օգտագործելով դրանք ինչպես ուսուցման ընթացքում, հետազոտության մեջ, այնպես էլ աշխատանքում:

Ա2. Մեկնաբանել քիմիայի ուսուցման մանկավարժական գործընթացը, քիմիայի ուսուցման դերն ու աշխարհայացքային նշանակությունը՝ հաշվի առնելով ժամանակակից սոցիալ-մշակութային զարգացումների համատեքստում աշակերտների ու մեծահասակների տարիքային, հոգեբանամանկավարժական, ոցիալականացման օրինաչափությունները, զարգացման առանձնահատկությունները, նրանց հետ աշխատելու առանձնահատկությունները, մեթոդներն ու տեխնոլոգիաները և կրթության առաքելությունն ու փիլիսոփայությունը, կրթության սոցիալ-մանկավարժական խնդիրները, համագործակցային և ստեղծագործական կրթական միջավայրի դերը, կրթության զարգացման ուղղությունները և առաջացած խնդիրների լուծման

<p>ՄԿԾ ՊԱՏՄՈՒԹՅՈՒՆ</p>	<p>հնարավորությունները:</p> <p>Ա1. Քննարկել պատմագիտության, մանկավարժության և նրանց առնչվող գիտակարգերի առաջանցիկ ձեռքբերումները, մարտահրավերները, հարացույցերը, կրթության համակարգի զարգացման ազգային, համամարդկային համատեքստերում</p> <p>Ա2. Մեկնաբանել մանկավարժական գործընթացը՝ հաշվի առնելով ժամանակակից սոցիալ-մշակութային զարգացումների համատեքստում աշակերտների և մեծահասակների տարիքային, հոգեբանամանկավարժական, սոցիալականացման և զարգացման օրինաչափությունները</p>
<p>ՄԿԾ ՀԱՍԱՐԱԿԱԳԻՏՈՒԹՅՈՒՆ</p>	<p>Ա1. Քննարկել մանկավարժությանը և հասարակագիտությանն առնչվող գիտակարգերի առաջանցիկ ձեռքբերումները, մարտահրավերները, հարացույցերը կրթության համակարգի զարգացման ազգային, համամարդկային համատեքստերում, ժամանակակից մանկավարժական գործունեության կազմակերպման իրավական հենքը:</p>
<p>ՄԿԾ ՖԻԶԻԿԱ</p>	<p>Ա2. Ներկայացնել անձին որպես մանկավարժական գործընթացի սուբյեկտ, նրա հոգեբանամանկավարժական, տարիքային-անհատական առանձնահատկությունները, սոցիալականացման օրինաչափությունները, այդ գործընթացի վրա ազդող ներքին (հոգեբանական) և արտաքին (ազգային, համամարդկային, սոցիալ-մշակութային, տնտեսական) գործոնները:</p>
<p>ՄԿԾ ԿԵՆՍԱԲԱՆՈՒԹՅՈՒՆ</p>	<p>Ա2. Ներկայացնել կենսաբանական, կենսաճարտարագիտական և բնապահպանական տեխնոլոգիաները,</p>

կենսաբանական փորձաքննության և մոնիթորինգի եռթյունը, գնահատել ՅՅ կենսաբազմազանությունը, կենսառեսուրսները, դրանց օգտագործման և վերականգնման հեռանկարները, ՅՅ պահպանվող տարածքների բնապահպանական և էկոկրթական նշանակությունը: Մեկնաբանել հանրակրթության ռազմավարական համակարգը, դպրոցի կառավարման իրավական հիմունքները և մեխանիզմները, օրենսդրական ակտերը և փաստաթղթավարությունը: ԱՅ. Տիրապետել կենսաբանության ուսուցման համակարգված գիտելիքներին, սովորողների հետ աշխատելու առանձնահատկություններին, մեթոդներին և տեխնոլոգիաներին, այդ թվում՝ այլընտրանքային, ինտեգրված ուսուցման սկզբունքներին, սոցիալ-մանկավարժական խնդիրներին, հաղորդակցական և թիմային աշխատանքի առանձնահատկություններին, հետադարձ կապի մեխանիզմներին, գիտակցել համագործակցային և ստեղծագործական կրթական միջավայրի դերը:

ԲԿԾ ՊԱՏՄՈՒԹՅՈՒՆ

Աճ.նկարագրել մարդու իրավունքներն ու պարտականությունները, մարդու և հասարակության, մարդու և շրջակա միջավայրի հարաբերությունները կարգավորող վարվեցողության կանոնները և իրավական նորմերը: Գ.5. պահպանել մասնագիտական էթիկայի նորմերը, համագործակցել ինչպես անհատական, այնպես էլ խմբային նախագծերում, կողմնորոշվել արտակարգ իրավիճակներում և անհրաժեշտության դեպքում ցուցաբերել առաջին բուժօգնություն:

Հավելված 4. Ոստիկանության և առողջապահական համակարգի թեմատիկ վերապատրաստումներ 2023-2024

Վերապատրաստման թիրախային խումբ	Վերապատրաստման դասընթացի թեմա
<p>Ոստիկանություն (ՀՀ ՆԳՆ Կրթահամալիր, ՀՀ ՆԳՆ Ոստիկանության սպայական կազմ)</p>	<ul style="list-style-type: none"> • Մարդու և քաղաքացու անձնական, քաղաքական, տնտեսական, սոցիալական և մշակութային իրավունքներն ու ազատությունները • Մարդու և քաղաքացու անձնական, քաղաքական, տնտեսական, սոցիալական և մշակութային իրավունքներն ու ազատությունները • Մարդու իրավունքների և ազատությունների վերաբերյալ միջազգային-իրավական փաստաթղթերը ոստիկանության գործունեության համատեքստում • Մարդու և քաղաքացու անձնական իրավունքներն ու ազատությունները, դրանց իրականացման երաշխիքները և խտրականության արգելքի սկզբունքը մարդու իրավունքների պաշտպանության համատեքստում • Կանանց և տղամարդկանց իրավահավասարության և երեխաների իրավունքների վերաբերյալ ներպետական և միջազգային իրավական փաստաթղթերը
<p>Առողջապահական համակարգ (բուժաշխատողներ)</p>	<ul style="list-style-type: none"> • 2024 թվականի օգոստոսի 15-ին կազմակերպված «Բժշկական իրավունք. իրավաբանական անվտանգությունը առողջապահության ոլորտում» դասընթացը, որը քննարկել է բժշկական գաղտնիքի պահպանման և խախտման

	<p>պատասխանատվությունները (ԱԱԻ):</p> <ul style="list-style-type: none">• 2024 թվականի մայիսի 2-ին անցկացված «Կանանց առողջության պահպանումը միջմասնագիտական արդիականացված մոտեցմամբ» թեմայով գիտաժողովը, որը կենտրոնացել է կանանց առողջության վերաբերյալ հարցերի վրա: Չնայած սեռական բռնության ենթարկվածների քանակի քննարկում չի եղել, առկա է եղել հարց ու պատասխանի բաժին, որը հնարավորություն է տվել քննարկել բռնության ենթարկվածների հետ փոխհարաբերությունները (ԱԱԻ):• 2024 թվականի հուլիսի 8-ին կազմակերպված «Բժշկական հոգեբանություն և հոգեբանական միջամտության ձևերը բուժաշխատողների գործունեության մեջ» դասընթացը, որի ընթացքում քննարկվել են անձի հետ փոխհարաբերությունները, բուժաշխատողների հոգեբանական աջակցության տրամադրման ձևերը (ԱԱԻ):
--	--

Հավելված 6՝ ՀՀ ՆԳՆ պատասխան-իրամանն ուղղված «Ընդդեմ կանանց նկատմամբ բռնության կռալիցիա» ՀԿ նախագահին



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԳՆ ԿՐԹԱՀԱՄԱԼԻՐ**

0004 Երևան, Ծովակալ Իսակովի պող.29

Թիվ 25/1-530

Հեռ. /10/ 778-122

«30» 05

2024թ.

**«Ընդդեմ կանանց նկատմամբ բռնության կռալիցիա»
ՀԿ նախագահ Տաթևիկ Աղաբեկյանին
(ՀՀ, ք. Երևան, Հովսեփ Էմին 119/2,
Հեռ.՝ 041 43 37 43, էլ.փոստ՝ csvw Armenia@gmail.com)**

Հարգելի՛ տիկին Աղաբեկյան,

Ի պատասխան ՀՀ ներքին գործերի նախարարին 29.05.2024թ. Ձեր կողմից հասցեագրված հարցմանը՝ Ձեզ է ուղարկվում հարցման 1-ին, 3-րդ և 4-րդ կետերով հայցվող տեղեկատվությունը:

Ինչ վերաբերում է հարցման 2-րդ կետին, ապա հայտնում եմ, որ ՀՀ ոստիկանության աշխատողների համար նախատեսված վերապատրաստման պարտադիր դասընթացների ցանկ որևէ իրավական ակտով սահմանված չէ: ՀՀ կառավարության 23.01.2003թ. N 174-Ն որոշման հավելվածի 10-րդ կետը սահմանում է, որ ոստիկանության ծառայողների յուրաքանչյուր կատեգորիայի համար ուսուցման կոնկրետ ժամկետները և բովանդակությունը որոշվում են ուսումնական պլաններով ու առարկայական ծրագրերով, որոնք մշակում են համապատասխան ուսումնական հաստատությունները՝ ոստիկանության շահագրգիռ ստորաբաժանումների հետ համատեղ: Բացի այդ, ներկայումս ոստիկանության համակարգում քննչական ստորաբաժանումներ չկան:

Առդիր՝ „44,, ֆայլ:

Հարգանքով՝

**Պեպ,
ոստիկանության գեղապետ**

Կատարող՝ Մ.Մարկոսյան
Հեռ. 093-60-15-70

Մ. Մուրադյան

Հավելված 7՝ ՀՀ ՀՊՄՐ-ի պատասխան-հրամանն ուղղված «Ընդդեմ կանանց նկատմամբ բռնության կողմից» ՀԿ նախագահին

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ
ԽԱՉԱՏՈՒՐ ԱՐՈՎՅԱՆԻ ԱՆՎԱՆ
ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ
ՀԱՄԱԼՍԱՐԱՆ



REPUBLIC OF ARMENIA
MINISTRY OF EDUCATION, SCIENCE,
CULTURE AND SPORTS
KHACHATUR ABOVIAN ARMENIAN STATE
PEDAGOGICAL UNIVERSITY

Էլ փոստ՝ info@aspu.am
Վեբ կայք՝ www.aspu.am

Հեռ. Tel.: (+374 10) 59-70-49
Fax. (+374 10) 59-70-01

0010, Երևան, Տիգրան Մեծի 17
0010, Yerevan, Tigran Mets 17

N 22/08.1.6-799

«27» 06. 2024 թ.

ԸՆԴԴԵՄ ԿԱՆԱՆՑ ՆԿԱՏՄԱՄԲ ԲՐՆՈՒԹՅԱՆ ԿՈԱԼԻՑԻԱ
ՀԿ ՆԱԽԱԳԱՀ ՏԻԿԻՆ ՏԱԹԵՎԻԿ ԱՂԱԲԵԿՅԱՆԻՆ

Հարգելի տիկին Աղաբեկյան

Ի պատասխան 2024 թվականի մայիսի 29-ի թիվ 1/05-24 գրության՝ Ձեզ ենք տրամադրում հաջատուր Աբովյանի անվան հայկական պետական մանկավարժական համալսարանի Ձեր կողմից թվարկած կրթական ծրագրերի մասնագրերի էլեկտրոնային տարբերակը: Միևնույն ժամանակ հայտնում ենք, որ Ձեր կողմից նշված կրթական ծրագրերով դասավանդող դասախոսների համար չի իրականացվել գեներային զգայունության թեմաներով պարտադիր դասընթացներ:

ՌԵԿՏՈՐ

ՄԻԲՈՒՀԻ ԳԵՎՈՐԳՅԱՆ

Հավելված 8՝ ՀՀ ԱՆ պատասխան-հրամանն ուղղված «Ընդդեմ կանանց նկատմամբ բռնության կոալիցիա» ՀԿ նախագահին



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌՈՂՋԱԿԱՆՈՒԹՅԱՆ ՆԱԽԱՐԱՐՈՒԹՅՈՒՆ

07.06.24 № ԱԱԳ/19/16516-24

Ձեր N _____

«ԸՆԴԴԵՄ ԿԱՆԱՆՑ ՆԿԱՏՄԱՄԲ ԲՈՒՆՈՒԹՅԱՆ ԿՈԱԼԻՑԻԱ» ՀԿ
ՆԱԽԱԳԱՀ ՏԱԹԵՎԻԿ ԱՂԱԲԵԿՅԱՆԻՆ
(Էլ. հասցե՝ cswarmenia@gmail.com)

Հարգելի՛ տիկին Ադաբեկյան,

Առողջապահության նախարարությանն ուղղված սույն թվականի մայիսի 29-ի Ձեր հարցմանն ի պատասխան՝ հայտնում եմ հետևյալը.

1. Ձեր կողմից բարձրացված 1-ին հարցի վերաբերյալ տեղեկացնում եմ, որ «Բնակչության բժշկական օգնության և սպասարկման մասին» օրենքի հիման վրա ՀՀ-ում գործում է բուժաշխատողների շարունակական մասնագիտական զարգացման կրեդիտային համակարգը՝ ավագ և միջին բուժաշխատողների համար սահմանելով հավաստագրման պարտադիր պահանջ: Վերջինիս արդյունքում, շարունակական մասնագիտական զարգացման (ՇՄՁ) հավաստագիրը տրամադրվում է յուրաքանչյուր հնգամյա շրջափուլում օրենսդրությամբ սահմանված ՇՄՁ կրեդիտների նվազագույն քանակը կուտակելու և առնվազն 3 տարի մասնագիտական գործունեություն իրականացնելու դեպքում: Ընդ որում, ՇՄՁ կրեդիտներ կարելի է կուտակել ՀՀ-ում և/կամ արտերկրում մասնակցելով կրեդիտավորված միջոցառումների:

Միաժամանակ, օրենքով նախատեսվում է թեստավորում անցնելու հնարավորություն այն բուժաշխատողների համար, ովքեր վերջին հինգ տարում առնվազն երեք տարի մասնագիտական գործունեություն չեն իրականացրել կամ վերջին հինգ տարում կուտակել են ՇՄՁ կրեդիտների նվազագույն քանակի 70 տոկոսը: Թեստավորման առաջադրանքները կազմվել են ՀՀ առողջապահության նախարարի հրամանով ձևավորված մասնագիտական հանձնաժողովների կողմից: Թեստավորմանը նախապատրաստվելու նպատակով հանձնաժողովների կողմից



Առողջապահության
նախարարություն

Հայաստանի Հանրապետություն, ք. Երևան, 0010, Հանրապետության իր., Կառավարական ստեյ 3
Հեռ.՝ (+ 374 60) 80 80 03 Էլ. փոստ՝ info@mob.am

ներկայացված յուրաքանչյուր մասնագիտությանը համապատասխան գրականության ցանկը հասանելի է ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ի պաշտոնական կայքէջում:

ՇՄՁ կրեդիտների քանակը և դրանց շնորհման կարգը սահմանված են ՀՀ առողջապահության նախարարի 2019 թվականի ապրիլի 26-ի թիվ 20-Ն հրամանով (այսուհետ՝ Հրաման):

Յուրաքանչյուր շրջափուլում ավագ բուժաշխատողը պետք է կուտակի 220 ՇՄՁ կրեդիտ (որից առնվազն 200-ը՝ մասնագիտական թեմաներից), միջին բուժաշխատողը 140 ՇՄՁ կրեդիտ (որից առնվազն 125-ը՝ մասնագիտական թեմաներից): Ավագ բուժաշխատողը առավելագույնը 20, իսկ միջին բուժաշխատողը՝ 15 ՇՄՁ կրեդիտ, կարող է կուտակել բժշկական ոլորտի իր համար մասնագիտական չհամարվող (հարակից) թեմաներից:

2. 2-րդ հարցի կապակցությամբ հայտնում են, որ առողջության առաջնային պահպանման (ԱԱՊ) օղակի համար օրենսդրությամբ սահմանված չէ պարտադիր ՇՄՁ դասընթացների ցանկ: ՇՄՁ դասընթացներն իրականացվում են ըստ մասնագետների դիմելիության:

ՇՄՁ կրեդիտավորված միջոցառումների վերաբերյալ ամբողջական տեղեկատվությունը տեղադրվում է ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ի պաշտոնական կայքէջում:

Ինչ վերաբերում է 3-րդ և 4-րդ հարցադրումներին՝ տեղեկացնում են, որ ՀՀ ԱՆ «Ակադեմիկոս Ս. Ավդալբեկյանի անվան առողջապահության ազգային ինստիտուտ» ՓԲԸ-ում գենդերային զգայնության թեմայով դասընթացներ չեն իրականացվում:

ԳԼԽԱՎՈՐ ՔԱՐՏՈՒՂԱՐԻ ՏԵՂԱԿԱԼ

ԱՐՄԻՆԵ ԱՎՈՅԱՆ

X 

ԱՐՄԻՆԵ ԱՎՈՅԱՆ

Signed by: AVOYAN ARMINE 5109850453

Կատարող՝ Լիլիթ Հարությունյան
ՀՀ ԱՆ ԱԱԻ ՄԳՎԱԿ
Հեռ.՝ (+374) 10-234-731